


103-1-11





TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black





全後周文卷十二

源信六

尚太子太保步

公謙字季明

齊與齊國南

齊家司馬

為其職服更



吏其人有所

子得流別有

郡獻公太祖

業所系委命

之有公秉照



詩在殿可均

既紹康有

魏吳王之

南得參政

而冠軍將


為其大德

可宜州刺

進襲平京

但洪

七年不



全後周文卷十三

庚信 六

周太子太保步陸逞神道碑

公諱逞字季明本姓陸吳郡人也君子至止既紹虞賓鳳凰于飛
實興齊國南越使者解漢帝之衣西陵將軍覆吳王之蓋曾祖載
爲宋王司馬雷鎮關中赫連之亂仗劍魏室黃河參陵或亡追路
烏江艤船更無歸迹今爲河南洛陽人也高祖冠軍將軍榮州刺
史吳人有降附者悉領爲別軍自是官師擁鐸更爲吳越之兵君
子習流別有樓船之陣父政驃騎大將軍儀同三司恆州刺史中
都獻公太祖扶危濟傾經綸夷阻報君之恥遠襲平原已高平霸
業所基委命畱事關中餽食非直滎陽之師河內供軍豈但淇園
之竹公秉照晉之靈降明神之德猛虎振檻七年不驚羝羊觸藩

九齡能對諸兄，曰公先君愛子，稱之曰仁推而襲封，雖復季末大成之心，守節疑有闕誤既遭燻穴，翻從壓紐，太祖初封函谷，始合諸侯，曰公詞令參謀，機密故得戎政，克宣師言，無漏賜姓，步陸孤氏委鹿輅而論都，入鴻門而舞劍，方之吹律，綽有餘榮，出身羽林，監輕車將軍，除尚書右丞，官聯會計，務殷平準，水衡貫朽，常平粟紅，授使持節，車騎大將軍，儀同三司，增邑千戶，尋遷駕部中大夫，領兵部中大夫，領蕃部，東京鼎食，先加鄧隘之勳，西晉官人多用山濤之啟，豈若五王登朝，必司賓主之禮，六龍御轡，取定鸞和之節，御正，曰官觸父名，不拜會稽，有王會之名，其子不爲太守，博陵有王沈之封，其兒不爲刺史，遷驃騎大將軍，開府入掌納言，治司宗伯，又爲軍司馬，職居常伯，勤問于南宮，位管王言，連官于北斗，豈止郊天祀地，龍門嶰谷之聲，贊鼓頌旗，白露涼風之月，闇夜有人，餉羅數十匹，公閉門不受，行人干觸具，曰聞奏朝野，稱之大尉，揚震

大五百八十二

直推故吏之金涼州，張奐高揖羌人之馬，清畏人知，我無慙德，齊國通和，封人受使，曰公有出境之才，見命張壇之禮，既珠盤歃血，定楚國之連名，匕首登壇，反齊人之侵地，是謂使乎，固稱光國，三輔公侯，五陵鍾鼎，銅街柳市，塵起風飛，乃授京兆尹，增邑通前一千六百戶，餘官如故，上林兵息，蘭池盜靜，不學王陽，平生鑄金之術，未同張敞，終日章臺之遊，家僮暮行，還得遺錢于道，并白絕十匹，公訪得其主，即曰還之，見金于路，指曰示人，得錢于道，畱持掛樹，方之今日，異代同風，俄遷司會，治小司馬，重總六軍，再操八柄，考績入于歲成，論功書之年表，尋授都督宜州諸軍事，宜州刺史，露冕觀風，停車待兩，百城解印，憚朱穆之威，千里相迎，受王基之德，曾未暮月，被敕追還，眷眷吏民，不無河內之請，依依故老，實念黎陽之別，少陽養德，前星守器，尊師讓齒，必俟賢能，乃授太子太保，方之劉寔，道高于大邦，譬曰山濤，榮深于小輦，本有消渴之疾

常餌金石自理舊疾微增奄捐館舍茂陵之下不留封禪之書校尉之營惟餘服食之器嗚呼哀哉春秋四十有七建德二年五月十一日也天子曰大臣之喪躬輟聽訟東朝曰師傅之尊親臨攢祭詔贈某官諡某公禮也已今三年正月十日葬于京兆之高陽原夫人郁久閩西遇王姬愛敬肅恭言容令淑有聞箴爨無廢紘緼爰在盛年先從大夜今節婦開墳松柏已拱季孫成寢上陵始同況復圖畫賢妃方在甘泉之室瘞埋才子卽用高陽之原公儀表外明風神內照器量深沈階基不測事君惟忠事親惟孝言爲世範行爲士則雷連墳索悵悵文詞霜府錄于尙書天官總于司會出入匡贊常帶數職身具六龜腰恆四綬陳平密謀既非天子所見荀彧上策又非諸侯所聞其爲郡也惟取赤土封書其爲州也唯曰青鹽換粟畱家則千樹無資遺子則一經而已嫡子操至性過禮純孝不遺墳前之樹染淚者先枯庭際之禽聞悲者則下

大六百五十九

銘曰

山連日觀水枕滇機富春沙起開陽柱飛大夫屈節將軍振威南越受吏西陵解圍昔我烈祖垂翅秦中白馬無路烏江不通笛吟鄉里琴哀土風營州恆州擁旄世載壯節旃旆人雄關塞直河穿趙平雲臨代生謂立功沒爲畱愛降茲岳嶺誕此貞明祥符雲氣慶合星精宮帷定策殿柱書名忠泉暗漏孝筭寒生世屬殷周時逢楚漢天下三分鴻溝一半曰我明略來參匡贊日乃再中天成兩旦遞參三事歷副六卿天師光宅地載謨明春官定禮夏官治兵讖言默識溫樹無名謙恭周密言行無乖忠公兕殪陰德虵埋軍國紛總部領填階馬不入廢金不入懷具瞻惟德高山惟仰甲觀初登龍樓初上東國桓榮西京疏廣年齡俄頃風電相推銘旌兩沒池柳雙迴熒熒屑子御疾銜哀身彰野火心懼天雷日月其除榮終哀始馬歸司隸書還太史麻對天星墳連地市山勢接飛

松形蓋起德音無絕平原忽矣文苑英華九百

周大將軍崔說神道碑周書作崔說

公諱說字某博陵郡安平縣人也昔者華陽之野降龍首之神烈山之都啟龜文之繇匡周則盟津有會佐夏則龍門始鑿西遊則起家秦相東入則載世齊卿備乎史籍可得言矣祖辨中軍將軍定州刺史父楷鎮北將軍司馬烈矣竝厲風霜俱張鋒穎邸史疊迹官曹懷然是謂鮑恢都官百城振懼葛豐握節京師斂手公特稟英靈偏鍾山岳雄姿俊茂眉目疏朗觀虎于檻齟髮不驚稱象于船勝衣能對至于拉虎羈熊摧斑碎掌忘歸繁弱落雁吟猿故得氣蓋關中威申河外解褐領軍府錄事轉諮議參軍時當塗失御政在權門始論函谷之兵卽起韓陵之戰太師賀拔勝作牧西荆公爲假節冠軍將軍防城都督夫疑作及南陽失守卷甲奔梁樂毅羈旅猶思燕路陳軫悽愴終戀秦聲幸直和鄰言歸舊國授衛

大六百零五

將軍都督封安昌縣開國子食邑三百戶弘農剋復沙苑揮鋒進爵爲侯增邑并前一千一百戶信珪則更受司勳穀壁則還輸典瑞鐵馬有河橋之戰戈船有汾水之兵除京兆太守移民下邑未學邊韶走馬章臺不同張敞遷帥都督持節撫軍通直散騎常侍大都督尋遷使持節車騎大將軍儀同三司都官尙書定州大中正五曹奏事有朱穆之忠九品論人見楊喬之直改封安國縣侯益邑合前一千四百戶賜姓宇文改名爲說漢王改婁敬之族事重論都魏后變程昱之名思深捧日遷驃騎大將軍開府儀同三司加侍中竇憲連官單于之寶鼎可致張寬固位渭橋之流星可識攻木七工旣掌丘陵之賦司會六典乃均邦國之財居官得人于斯爲盛進爵爲公改封萬年縣通前二千四百戶除隴州刺史都督隴州諸軍事隴坻路遙秦川望遠鄧仲華之不去馬文淵之願歸尋除涼州刺史總督河西甘瓜諸軍事地似伏龍城如飛鳥

敦煌實錄宛在曾襟玉門亭障無勞圖畫有馬如羊不弓入廐有
金如粟不弓入懷柱國齊王今上之介弟龔行薄伐問罪河陽弓
公爲行軍長史參謀帷幄中軍之司旣舉魏絳上卿之佐實用荀
林弓公方之差無慙德除使持節大將軍大都督崇德安義建忠
九曲安樂三泉伏流周張平泉固安蠻通谷凡十三防禦熊和中
三州黃蘆起谷王晏供超牽羊溫孤交河大嶺避雨木柵寺一十
成諸軍崇德防主宜陽上地更有秦兵熊耳山前還逢積仗用是
連營函谷獵騎黎陽威振兩河名陵三晉改封安平縣公淮陰一
國韓信之故人戶牖萬家陳平之鄉里公此衣錦足爲連類建德
四年正月十日薨于長安之永貴里私第春秋六十有四詔贈敷
延丹綏恆五州諸軍事敷州刺史諡曰莊公禮也卽弓其年二月
二十四日葬于京兆平原鄉之吉遷里北陵追遠大司馬有賜綬
之恩西京贈行冠軍侯有詔葬之禮嗚呼哀哉世子儀同衍生事

大六百五十九

弓禮死葬弓禮愛親有王祥之孝同氣有姜肱之睦百行之本于
斯備焉況復松檟深沈旣封青石之墓丘陵標榜須勒黃金之碑
乃爲銘曰

華陽之神厲山之祖鳳野匡周龍門佐禹日浴溟池山浮海浦甫
穆霸國營丘樂土肖斯宗邑承此壤土移封東武就君安陽中軍
節日鎮北鋒芒商飆獵草電火驅霜公之輪奐繼體貞幹儀表丘
墟風神牆岸孝有至德忠能匡贊不廢橫琴無妨敬案旣班三事
又貳六官衛青受詔韓信登壇長城馬窟廣武兵欄軍吏無犯營
民不寒乃用六謀乃論三策城壘向背星辰主客劔起沈犀弓開
伏石楚后讓盟秦君還璧百齡危脆千仞摧藏諸侯地裂邊將星
亡輕車騎士玄甲黃腸社如齊地廟侶桐鄉銘功贊德碑闕相望

文苑英華
九百四

周大將軍司馬裔碑

公諱裔字遵肩河內溫人也昔顓頊之命始則南正司天重黎之
後又曰羲和掌麻夏陽適晉得隨會而同奔東海避秦與毛公而
俱隱其後金行受命玉笥南遷帝系極于輿圖中朝至于江表曾
祖楚之晉太傅錄尚書揚州牧會稽文孝王之次子元顯之幼弟
也元顯見害之後桓立篡逆之初爰自齟齬客身屠釣河內道左
抱劍長號代郡城前慟悲靈祭江淮志節之士汝頴風塵之客感
激一言咸多依附既而雲生伏龜星出鯨魚太白經天蚩尤映野
公乃收合餘燼泣血登埤臨武牢之關據成皋之坂擁眾萬家歸
于魏室魏明元皇帝遙授平南大將軍荊州刺史襲封琅邪郡王
尚河內公主命王承制從賓國之儀于時宋兵憑陵旗鼓侵逼虎
牢不封金墉無援魏太武皇帝授王使持節侍中安南大將軍開
府儀同三司給前後部鼓吹見城啟行志雪冤恥登壇慷慨三軍
掩泣黃河漕粟已出石門白馬連旗將臨野坂既而雲中柝起代

大五百九十六

郡烽燃反旆南轅途窮北略贈征西大將軍都督梁益秦寧荆兗
青豫郢洛十州諸軍事揚州牧司徒諡貞王祖金龍封琅邪鎮西
大將軍儀同三司吏部尚書贈司空諡康王父悅鎮南將軍豫州
刺史漁陽莊侯曰荆河刺舉時值亂離釁起蕭牆遂終非命公遺
腹載誕流離寇逆復壁繼負深山擁樹程嬰之匿趙武從役家臣
王成之藏李燮爲傭酒市遭太夫人憂苦草墳塋已終灰燼形骸
毀瘠逾于喪禮年十有五始幹家事楹前鑿柱卽取遺書石上開
松仍求故劍出身司徒府參軍除申堅將軍員外散騎常侍值魏
室多難所在蜂起孟津曰北無復封畿嵩山已南卽爲鋒鏑公建
議脩武立柵溫城函谷西封河橋北斷長亭籍馬竝入武城百里
租車咸輸溫縣太祖文帝締構關都經綸夷阻招攜曰禮懷遠曰
德馬文淵之擇主去隴坻而歸身寶周公之入朝在河西而奉詔
大統七年蒙授平東將軍北徐州刺史十年河內故義四千餘家

願立忠誠須公衣錦乃授使持節領河內太守加前將軍懷州拓境兩鎮奔波柳泉轉戰三城授首十三年太祖召山東諸立義之將能率眾入關者有加重賞公率先而至領戶千室卽已爲封固辭不受其菽粟之賜或已指困馬牛之賞將同量谷朝廷已華陽西極漢水東流歎孟達之奔兵怪劉封之失策魏前元年移鎮漢中除白馬城主領華陽郡守昔稱導漾今聞上瀦烟沈冰井雨歇雲門其年授大都督加散騎常侍柱國蜀國公開金牛之道通牧馬之關公卷甲北塞懸車束馬遂得策預葭萌勳參綿竹封龍門縣開國子蒲州刺史仍領新州尋授使持節車騎大將軍儀同三司大中正隆周受圖天保定已公才望仍爲舊臣遂乃義深追遠恩隆繼絕卽改封琅邪縣公邑五百戶仍遷驃騎大將軍開府儀同三司都督巴州諸軍事巴州刺史武成二年被敕赴援信州魚復道阻屢卻岑彭荆門水急幾沈吳漢公乃月峽先登瞿唐直

大六百五十九

上天子已公操履忠勤儀刑亮直乃徵爲大御伯尋轉大御正邑一千一百戶樞機近侍出納絲言所謂多識舊章殿中無雙者矣四年大將軍東討公所領義眾先守枳關授都督懷州諸軍事懷州刺史偃師張幕河陽牧馬雖接戰于富平已連營于官渡五年詔追還拜始州刺史更封信州賊山彰尋寶渝恃險峽路五尺鉅釣纜通縣水三門橋飛濟渡旣而風行草偃谷靜山空前後平十一城獲九千餘口馬歸平樂金輸水衡天保二年除信州刺史都督信州諸軍事朝發白帝暮宿江陵氣振巴丘之兵威警建平之戍五年遷潼州刺史益州柱國公降帝子之重鎮天井之星延閣擬于叢臺岷山方于代郡公仰稟雄謀參謀遠略故得身預舞陽之功位極長平之寵六年授使持節大將軍大都督西寧州諸軍事西寧州刺史方欲闕沫若徼牂柯見夜郎之侯習昆彌之戰而飛鳶墮水馬援去而無歸金馬騁光王褒行而不反嗚呼哀哉七

年正月十日薨春秋六十有五詔贈使持節大將軍懷邵汾晉四
州諸軍事懷州刺史夫人襄城公主魏獻帝之曾孫趙穆王之季
女王姬肅恭瑜翟典禮四教競莊三星令淑有光隆慮之賢足表
平陽之盛生則從夫曰秩死則同穴曰禮建德元年八月十二日
合葬于武功三時原大夫墓樹曰柏諸侯墳高于雉吁嗟滕公來
居此里詔諡定公禮也公資忠履孝蘊義懷仁直幹千尋澄波萬
頃逢蒙射法力牧兵書星辰高下之占風雨逢迎之氣故得師出
曰律天幸將軍者也至如官曹案牘未常煩壅戎馬交馳不妨餘
裕足使四岳彌峻三台更明在朝四十一年身經一百餘戰凡任
四郡歷八州未嘗曰貨殖經懷去如始至渭南千畝之竹更懼盈
滿池陽二頃之田常思止足身歿之日家無餘財素車白馬狹室
崎嶇黃腸立甲階庭仄陋有詔冬官爲營寢室朱邑祭醑無所漢
后是曰賜金陳表妻子露立吳王爲之開館嗚呼哀哉世子侃孝

大六百五十九

家忠國揚名顯親是曰勒此豐碑懼從陵谷殖之松柏不忍凋枯
銘曰

欽若麻象平秩寅賓少梁奔華地入咸秦族夷興馬書窮獲麟玉
鏡云始金行乃構象浦通關龍沙開候上糝石起河陽水鬪五馬
南浮三星東宿太傅作牧奄有江沱司徒避亂承制荆河旣勞推
轂猶思枕戈龍媒被野蒼兕凌波莊侯季年禍機相接誕公遺嗣
崎嶇懷挾山竄趙武家藏李燮伍員道阻燕丹路遙南奔楚塞北
避秦橋水流登壠寒風度遼有功都護則重嫖姚懷書上馬習禮
從戎陣圖六甲兵占八風藏松寶劔射柳珣弓推誠賈復屈節廉
公八翼頻飛六條亟秉勇此仁義行茲寬猛持印山開沈黎盜靜
取甲無丘均田不井懋功賜爵上將賞官軍中受詔塞外登壇方
圖參合更鑿皋蘭渝山毒水燹道災氛地亡都尉灘悲使君谷寒
無日山空足雲北風吹旄秋霖泣軍遣奠雙設銘旌兩布泌水同

墳平陽合墓悲哀嗣子攀號靡訢慟甚風枝悲深霜露自此何世
從斯幾年麒麟欲鬪華表中燃地形樓起松心蓋圓茫茫丘壠代
代英賢文苑英華
九百四

周柱國大將軍拓跋儉神道碑

蓋聞放勛立而羲和昇重華登而元凱用思皇多士既成西伯之
功俊德克明乃定南巢之伐是知惟賢非后弗食惟后非賢弗又
若夫君臣一德啟心沃心見之昌熹文公矣公諱儉字慶明恆州
高陸人也北岳天孫之星燕河帝子之國故多奇節甚茂華風高
闕圖南二王齊軫長城拔本十族分源高祖太尉北平王光輔五
君允釐百揆恆衛既從淮沂其又祖豹龍驤將軍恆州刺史常山
刺舉非無取代之符龍驤總戎或似平吳之號父馘年止弱冠榮
終解印公曰五常蘊智六氣資德乘天則策馬秉靈降神則牽狼
應象直心于物水火恬然無負于天雷霆不懼富貴自取豈資唐

大六百零一

舉之言聲名有聞無勞李膺之識年十八解褐員外散騎侍郎尋
授輕車將軍羽林監太祖文皇帝駕馭天綱苞羅英傑選公才德
光佐中書諸葛亮之西歸玉壘成三分之業管夷吾之入仕葵丘
有一匡之功天水黠羌漁陽羣盜乃遷秦州刺史長史防城大都
督封信都縣開國伯三年滑州蟻聚保障沈命靡旗亂轍乘冰渡
河丞相大行臺授假節撫軍行滑州刺史大統元年授持節西夏
州刺史加散騎常侍郅支抱馬如聞耿秉之戰單于願識似畏王
商之威五年遷使持節鎮東將軍都督東北三夏州諸軍事西夏
州刺史增邑千戶改伯為公既而江漢遼遠車書寂寞蜀主的顛
未出檀溪之水秦王飛雉猶向南陽之城六年呂公為使持節都
督三荆二襄南雍平信江隨郢浙一十二州諸軍事荊州刺史東
南道行臺僕射楚城鄰境實有讓田吳人對營無妨贈藥部內屬
城為人所訟公遂集文武肉袒自罰兄弟不讓延壽責躬吏民有

過翁歸引咎天子異之璽書勞問贈賄加幣王人接踵大丞相書云此之美事耳目之所未經歎尚無極故遣專使公善于撫馭長于接引山藪無棄苞苴不行示人赤心與人顏色盜不敢發民不忍欺至是將校耆老于州城之南起清德之樓勒賢臣之頌杜鎮南之作牧當世樹碑竄車騎之臨戎生年刻石方之今日彼獨何人于時戶口日增荒萊畢墾華實紛敷黔黎茂豫但恐哀職有關待公而補鼎飪未和須公而正是呂漢陰民望荆南杞梓竝皆上書詣闕連名乞留河內之借寇恂更慙謁帝交州之請士燮還著上表九年授車騎大將軍儀同三司十二年除大行臺尚書仍爲大丞相司馬呂公識度嚴明志節清儉遂改公名儉字慶明非關書月詎待看碑幸得千畝不同二山無廢十三年加開府餘官如故十四年除尚書右僕射加侍中進驃騎大將軍居上星執法在文昌之位呂公才望兼而有之十五年更除東南道行臺僕射都

大六百五十九

督十五州諸軍事行荊州事十六年大丞相總十六軍剋清河洛公又中分麾下參謀幃幄高選霸僚公爲長史其年加都督南道三十六州諸軍事餘官如故南陽文學更遇王基章華袞衣還迎郭賀昔日伐蜀之謀張儀與秦昭計合平吳之利羊祜與晉武意同太祖始定成都卽有江陵之志公密獻其策懸符深旨糧運久積梯衝立備一戰而舉馱郢再戰而燒夷陵遂得席卷三荆此又公之勳也詔賞奴婢三百口太祖與公書云由公立計果何所謀公頃自鎮江陵呂安蜀地後魏二年改武川昌寧郡開國公歷陽居民非唯景丹之封曲逆戶口豈但陳平之國其年授大將軍太和之中曹眞于府內受冊元封之末衛青于軍中卽拜公之此比綽有餘榮詔曰吳人未復須助謀謨今使梁王兵馬受公節度三年加都督東南道五十三州諸軍事增邑萬戶維周革命光宅欽明作貳天官允諧邦治元年授小冢宰保定二年治蒲州刺史檢

校六防諸軍事四年治襄州仍授柱國大將軍餘官如故秩登四
岳階平六府豈不功重昭陽名高蔡賜控馭五十州風行數千里
拔園葵而去織婦無三惑而絕四知一室之中未免虛白日膳之
資三杯而已詔乃賜縑絲一千段粟麥二千斛天和元年陝州刺
史都督八州二十防諸軍事解荊州總管餘悉如故路出王官城
臨河曲戍清陝右高視棠陰部領宴煩晦明爲疾天和四年謝病
故京薨于私第春秋七十有八鑿躡降臨軒懸輟樂九旒龍旂之
錫三河騎士之送詔贈太保涼夏靈銀長原河鄯甘瓜十州諸軍
事涼州刺史諡曰文公狀貌丘墟風神磊落玉山秀立喬松直上
烟霞之涯際莫尋江海之波瀾不測少遭荼苦在山服終攀柏樹
枯侵松獸死盡忠事國竭力從政其門如市其心若水奇策密謀
百僚仰止忠貞亮直明主敬焉至如風后陰陽之占力收星辰之
度魏公子之兵書李將軍之射法莫不成誦在心取爲時用居常

大六百五十九


服翫或曰布被松牀盤案之閒不過桑杯石鼎遺令山陵一無所
用公私贈襚竝不得受止依太祖陵側無忘事君墩等兄弟竝至
性善居喪號慕墳塋奉遵遺訓是曰衛青之塚仍陪漢武之陵管
仲之墳卽接齊桓之墓天和六年天子曰四海未寧三方鼎峙有
懷將帥之志言念封疆之臣旣畫雲臺乃題麟閣更贈公爲鄆國
公邑五千戶追崇列辟事極神槐再改銘旌恩隆封墓公在民留
愛身後見思吉日良辰郊祠野祭儀同趙迢等六百九十七人表
求立廟陳請象魏有詔許焉桂棟杏梁綠墀青瑣案歌會舞鳳蓋
霓裳南浦送而行雲東風颯而零雨是知漢陽郡前非徒武侯之
廟臨淄城下豈獨樂公之社嗚呼哀哉乃爲銘曰

道鍾屯剝世屬雲雷地軸左轉天關北闕客車周室繫馬秦臺乃
齊七政爰荅三才烈祖燮諧九龔梁棟取才逢獵求賢入夢匡贊
官雲謀猷紀鳳律定公族珪分職貢乃惟嗣德實秉英靈身圖斗


宿面繞樞星青衿敬業童子離經信陵虛左干木分庭忠孝純深
 樞機周密孔光不言曹參勿失溫席扇枕承顏悅膝凍浦魚驚寒
 林笋出肅肅風政沈沈器局直似貞筠濫如瑞玉清不置水明非
 舉燭馬願如羊金須似粟上將克昇元戎卽序夏陽三捷夷陵一
 舉憑軾下齊凌江入楚鼎反厯室鍾歸大呂六卿咸事天官是司
 二南作伯棠陰實治清風有頌綠竹聞詩贈行之冊超然帝師昔
 侍蘭苑今陪杏林死生契闊無違一心風雲積慘山障連陰陵田
 野寂松逕寒深夏嬰之隴橋立之墓馬見千年車回三步左無長
 樂前非武庫直望高碑增悲行路文苑英華九百五

大五百四十五

賜進士出身一品銜廣東等處提刑按察使司按察使兼管驛傳事務黃岡王毓藻校刊



全後周文卷十三終



六十八

全後周文卷十四

烏程嚴可均校輯

庾信 七

周柱國大將軍紇干弘神道碑

公諱弘字廣略原州長城縣人也本姓田氏虞賓在位基于揖讓

之風鳳凰于飛紹于親賢之國論其繼世之功則狄城有廟序其

移家之治則長陵有碑况復高廟土書小車而對漢王藝文類聚作祖聊

城祭鳥長岳藝文類聚作岳而驅燕將公呂胎教之月歲德在寅載誕之

辰星精出昴是呂月中生樹童子知言水上浮瓜青衿不戲既而

受書黃石意在王者之圖揮劍白猿心存霸國之用魏永安中任

子都督翻原州城受隴西王節度于時洛邑亂離當塗危逼禮樂

征伐不出于天子舉賢誅暴實在于強臣太祖文皇帝始創霸功

初勤王室秣馬蒐乘誓眾太原公仗劍轅門粗謀當世隨何遠至

實釋漢帝之憂許攸夜來卽定曹王之業永熙中奉迎魏武帝入關封鶉陰縣開國子邑五百戶太祖曰自著鐵甲賜公云天下若定還將此甲示寡人白水良劔罷朝而贈陳寵青驪善馬迴軍而賜李忠竝經輿服足爲連類大統三年轉帥都督進爵爲公十四年授使持節都督原州諸軍事原州刺史仙人重返更入桂陽之城龍種復歸還尋白沙之路公此衣錦鄉里榮之侍從太祖戰河橋復弘農解華山圍平沙苑陣必有元勳常蒙別賞太祖在同州文武竝集號令云人人如紇干弘盡心天下豈不早定卽授車騎大將軍儀同三司前魏元年轉驃騎大將軍開府所連猶遠卽受冠軍之侯沙幕未開先置長平之府梁信州刺史蕭韶靈州刺史譙淹等猶處永安稱兵漁陽公受命中軍迅流下瀨遂得朝發白帝暮宿江陵猿嘯不驚雞鳴卽定西平反羌本有漁陽之勇鳳州叛氏又習仇池之氣公摧鋒直上白刃交前萬死一決凶徒多潰

大五百八十一

身被一百餘箭傷肉破骨者九瘡馬被十槩露布申上朝廷壯焉糾糾葛屨魏有去舊之歌零露瀼瀼周受惟新之命乃進爵封雁門郡公食邑通前二千七百戶保定元年授使持節都督岷州諸軍事岷州刺史隴頭流水延望秦關川上峨眉猶通蜀道公不發私書不燃官燭獸則相負渡江蟲則相銜出境四年拜大將軍餘官如故衛青受詔未入玉門之關竇憲當官猶在燕山之下公之此授差無慙德渾王叛換梗我西疆宕羌首竄藩籬攜貳公受脈于社偏師遠襲揚旂龍涸繫馬甘松二十五王靡旗亂轍七十六柵鶉奔雉竄旣蒙用命之賞乃奉旋師之樂天和二年被使南征帶甲百萬軸艦千里江源水起海若乘流解官之城登巢懸纜吳兵習流長驅戰艦風灰箭火倏忽凌城公曰白羽麾軍朱絲度水七十餘日始得解衣朝廷曰晉剋夏陽先通滅虢之政秦開武遂始問吞韓之謀是曰馳傳追公曰爲仁壽城主齊將段孝先斛律

明月出軍定隴呂爲宜陽之援公背洛水而面熊山陣中軍而疏行首乘機一戰宜陽銜壁增封五百戶進柱國大將軍司勳之冊也建德元年拜大司空二年遷少保姬朝三列少保爲前炎正五官冬官爲北頻頻寵命是謂能賢三年授使持節都督襄郢昌豐唐蔡六州諸軍事襄州刺史江漢之間不驚雞犬樊襄之下更多寇蓋旣而三湘遼遠時遭鵬入五溪卑溼或見鳶飛舊疾增加薨于州鎮天子畫凌烟之閣言念舊臣出平樂之宮實思賢傳有詔贈某官禮也卽己四年四月二十五日歸葬于原州高平之鎮山屬國玄甲輕車介士一依霍驃騎之禮衛將軍之葬嗚呼盛哉公入仕四十五年身經一百六戰通中陷刃疾甚曹參刮骨傅藥事多關羽而風神果勇儀表沈雄事親無隱無犯學不專經略觀書籍兵無師古自得縱橫青烏甲乙之占白馬星辰之變九宮推步三門起伏天弧射法太乙營圖竝皆成誦在心若指諸掌虜青犢

大六百五十九

之兵甚有祕計燒烏巢之米本無遺策西零賊退屈指可知南郡兵迴插標而待常願執金鼓而問吳王橫瑯戈而返齊地有志不就忠貞死焉世子恭等孝惟純深居喪過禮對其苦寢則梓樹寒生聞其悲泣則巢禽夜下嗚呼哀哉乃爲銘曰

天齊水合日觀山連兵強東楚地遠西燕五卿咸正三王竝賢靈龍更起燧象還燃白天之德乃祖乃父維岳降神生申及甫北門梁棟西州雲雨勇讐燕城名題漢柱公始青衿風神世載猛獸不驚家禽能對劔學千門書觀六代有竭忠貞無違敬愛乃數軍實乃握兵符澆沙成壘聚石成圖風雲順逆營陣孤虛靈雨鉦鳴燿火飛狐淮陰受冊車騎登壇公爲上將有此同官下江燒楚上地吞韓推功玉案定策珠盤天有三階公承其命國有六卿公從其政台曜偕輝槐庭重暎匡贊七德謨猷八柄腹滿精神心開明鏡伏波受脈樓船推轂東道未從南征不復飲丹有井澆泉無菊功

存柳林身在櫛木移茵反葬提柩山行芻靈隴水哀挽長城山如
北邙樹似東平松門石起碑字金生眇眇山河熒熒肩子泣血徒
步奔波千里孝水先枯悲雲即起世數存沒哀榮終始文苑英華
九百五又

略見藝文類
聚四十六

周柱國大將軍大都督同州刺史余綿永神道碑

公諱永字永賓東燕遼東郡石城縣零泉里人也本姓段昔者昌
意降居初分若水之姓其叔出奔始有京城之族西河居士蕃魏
而却秦北岳將軍威胡而奉晉其後居于代北則先封遼水備平
史籍可略而言祖援鎮西將軍馮翊太守父儒平東將軍持節恆
燕朔三州諸軍事恆州刺史公年裁弱冠即值亂離驅馳關塞之
閒早有縱橫之志軍陣方圓無勞聚米山川形勢不待披圖魏正
光五年入仕解褐殿中將軍孝昌二年加龍驤將軍永安二年授
平東將軍都督中堤建義勳謀是先蒙賞倉泉縣開國男食邑一

大六百一十七

百戶其年淮淝侵軼南鄙徵兵公受賑偏師一月三捷昔張遼奄

至下有
闕文

縣

開國伯食邑五百戶進爵為侯永熙元年授使持節車騎大將軍
左光祿魏武帝特召入仕閣內大都督馬武小心侍蕭王于臥內
典章忠壯陪魏后于宮中于時賊帥元伯破掠城市西自潼函東
綿鞏洛京畿大都督請馬七千公曰此賊無他策尋自烏散止
請五百騎應手生擒朝廷賞其謀策百姓喜其除害既而喪亂引
多生民版蕩乘輿西幸宗社北遷公妙識玄象深知麻數乃與昆
弟謀為自全斬西中城主送首關內蒙賞昌平縣開國子食邑三
百戶大統元年授使持節都督北徐州刺史平竇軍復引農戰沙
苑陣河橋公竝預先登身當鋒首謨猷應變備在司勳增邑八百
戶通前合二千戶進爵為沃陽縣開國公授南汾州諸軍事南汾
州刺史十四年增邑三百戶轉大都督其年授車騎大將軍儀同

三司加散騎常侍十六年授驃騎大將軍開府加侍中尋授恆州諸軍事恆州刺史又遷雲州刺史昔軒丘分族異姓者十四人酆邑建侯宗盟者四十國太祖文帝席卷關河三分天下潁川從我竝有鄉里之親新豐故人非無布衣之舊更立九十九姓還存三十六國舊胄還姓余綿增邑一千進爵爲廣州城郡開國公尋授文州諸軍事文州刺史國家已玉門西拒久勞亭鄆陽關北牧多事風塵武成二年有詔進公都督瓜州諸軍事瓜州刺史是已名馳梓嶺聲振榆關無雷畏威負霜懷惠保定二年還朝授工部大夫尋遷軍司馬夏官司武待白露而治兵冬官考工紀立雲而授職四年增邑三百戶通前合三千九百戶其年授使持節大將軍都督治左八軍總管軍事朝登上將暮會小卒事涉交接觀釁而返天和二年已本官領小司寇三度有星名天獄八卦有坎象刑書公繁不秋荼嚴無夏日民知約法未肯已獄吏爲尊吏識刑名

大六百二十八
小二

無敢已死灰相懼又任左廂第三軍總管仍被敕將兵馬北道教習韓信入關卽申軍令陳農受詔仍校兵書豈若六郡良家五營騎士縣知正正之旗遙識亭亭之氣蒙犯霜露旗鼓驅馳俄而邁疾遂至大漸五年六月十六日薨于賀葛城春秋六十有八將軍死綏三軍行哭都護喪還緣邊追祭九月二十三日靈柩至于京師皇帝臨喪百寮赴弔詔遣使持節車騎大將軍儀同三司賀拔軌監護喪事又遣使持節車騎大將軍儀同三司紇豆陵亮冊贈使持節柱國大將軍同華宜敷丹五州諸軍事同州刺史諡曰某公其年十一月五日葬于京城南高陽原高司里夫人赫連氏充州刺史悅之女年十四適余綿氏冊拜魯城縣君遷濟陰郡君又遷廣城國夫人肅恭令淑儀範賢才四德有耀三星增輝三公夫人見于斯矣建德元年十二月亡春秋五十有八二年正月歸于高司之塋劉荊州之墓合葬于襄水之陽衛將軍之陵同穴于廬

山之下嗚呼哀哉世子岌使持節儀同大將軍領兵部大夫純孝
事親忠貞事國禮義自立聲名有焉銘曰

軒臺受氏若水降居西城仲肩北陸寘餘山川雄烈風俗扶疏昔
我關塞公襲干戈時遭拔本世值橫波北封代郡東據遼河地未
平一天猶薦瘥我父疑一作重光繼文踵武總牧三蕃兼治六輔雅
俗觀風都亭待雨不逢問吏無聞桴鼓公已載世挺此合聞孝有
三德忠惟一君馬陵釋患聊城解紛兵防滿月戰避迎雲長松都
尉細柳將軍既牧淮海且蕃恆代高壁負關長亭穿塞釁鼓司盟
□□□□吏不能欺兵無敢背玉關遺矩汾海畱愛大將受冊公
昇其壇六卿咸事公貳其官夷陵燒楚上黨分韓營軍參合校戰
皋蘭年深厲起福過災生上台裂岳次將星傾赤地悲淚白虎哀
鳴懸弓靈幕繫馬寒垆煙凝不動泉凍無聲天子愴然追予贈諡
禮官賜冊陪陵受地印綬曰策衣衾曰襚立窆就列黃腸在位自

大六百四十八

此何世從斯幾春樹爲樾社陵成谷神詎知雲閣名在功臣文苑英華

九百五

周車騎大將軍賀婁公神道碑

昔者軒丘命氏初分兄弟之姓若水降居始建諸侯之國自是已
官爲族因地爲宗水派枝分其可知矣公諱慈字元達本姓張清
河東武城人也仕于周張仲爲孝友謀于晉張老爲賢臣韓有開
地則五世強國趙有孟談則三卿不戰祖慶少習邊將憑仗智勇
雖復五車竹簡不取博士之名一卷兵書卽已將軍自許角端在
手必無齊魯之侵蓮花插腰甚得蛟龍之氣爲車騎大將軍儀同
三司散騎常侍霸城縣開國伯贈河州刺史父璨公子公孫有鑑
基于天下良工良治有世業于家風書則百家可知劔則千人可
敵三槐已鼎鼎象物知其神奸五等已桓珪班瑞守其宮室君已
才望兼而有之終于使持節車騎大將軍儀同三司散騎常侍武

定縣開國公贈河州刺史公秉山岳之靈受星辰之氣年在髫髮甫就勝衣竹馬來迎已知名于郭伋羊車在道卽見賞于王澄豈直童子明經書生說卦而已至如禪河清論秋水高談故曰辨折龜林聲馳鹿野國家官族君爲首姓起家車騎大將軍儀同三司襲爵爲公邑合一千六百戶弱冠登朝傳呼甚寵漢魏台鼎故無此比中朝方伯罕有其年大家宰任總機衡是勤王略借君忠壯委曰爪牙鎮左廂親信出梁州防主華陽西極漢水東流巴濮旣盜沈黎卽靜保定四年王師北伐曰君驍勇被召將兵師下宜陽身登函谷將燒白馬之城曰覆鳥巢之壘旣而中途甚雨未獲圍原軍師聞喪不成侵宋柱國趙王今上之第九弟也文則河閒上書武則任城置陣作鎮岷上陽旂錦水白虎之俗難安黃龍之盟不定曰君智略入佐中權天和九年授使持節大都督治柱國總府司錄仍轉司馬餘官封如故相如西喻鏤石于靈山武侯南征

九百一十九

浮船于瀘水方之今日彼獨何人九品課工爲上之下四年入朝歸事宰旅卽受載師大夫將命齊國尋盟出境卽用和鄰之儀入國聞喪仍從會葬之禮可使南面此之謂乎尋曰本官入治軍正至如渭水兵書在心爲志軒上陣法聚石成圍旣得師不疲勞兵無怨讟入陪中禁更領儀同邸客城池門關戶籍咸資巡警竝用司存帝城近臣公室密戚如逢司隸似畏都官旣而孤城鄭姬不相其年巴水涪翁不醫其疾春秋三十有三奄捐官舍呂子明之疾甚歎軫吳王阮元瑜之長逝悲深魏主有詔贈某官禮也曰建德四年三月日歸葬于河州苑川郡之禁山公六郡良家西河鼎族地壯金行人雄塞氣兵書七卷河水浮來射法三篇天弧夜下鋒旗不息刁斗恆驚猶得馬上讀書軍中習禮太史子儀善于謀策諸葛公休長于撫馭四代儀同三司七世河州刺史鍾鼎成烈冠蓋連陰所謂生爲貴臣死爲貴神者也但曰遊魂久客反葬途

遠道阻山長妻孤子幼哀聲滿野愁氣連雲況復松檟飄飄方臨
武威之戍丘陵迥遠直對臨洮之城馬援亡于武溪口樞返于槐
里梁鴻死于會計妻子歸于平陵嗚呼哀哉嶮崎遠矣昔者繁昌
祠前卽有黃金之碣德陽基下猶傳青石之碑是謂勒功乃為銘
曰


七葉佐漢五世相韓忠臣入仕孝友當官青城仙洞黃石祠壇臺
堪走馬書足迴鸞武定風颯霸城嚴肅竝馳雙傳俱分兩竹重世
刺舉連鑣袞服草靡青丘風馳赤谷世不乏賢挺茲上嗣孝有三
德忠無二志劔足身挺書堪面試旂節旣乘高蟬且珥龜轉印函
蛇盤綬笥左右將軍前後常侍繼踵五侯因循三事旂旃九坂艦
舳雙流還驅木馬更引金牛江波錦落火井星浮躡酒望帝安歌
蜀侯受服河陽偏師洛浦置陣成皋連旗廣武勇兵滅竈夜營多
鼓箭起六麋鋒摧九虎倏忽人世俄然今古崇發兩星醫驚二豎

大六百二十五

遊魂通夢言返舊塋紫泥賜冊黃腸贈行途登石紐路入金城寒
關樹直秋塞雲平劔埋合柱書藏鑿楹武侯為廟欒公為社雲蓋
低臨霓裳紛下碑枕金龜松橫石馬永矣身世畱名華夏
文苑英華九百六

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後周文卷十四終



大一百二十三

全後周文卷十五

烏程嚴可均校輯

庚信

周上柱國宿國公河州都督晉屯威神道碑銘 并序

公諱威字某河南洛陽人也舊姓辛隴西人基若水之源纂商丘之胄邑于大毫實定其居封于小辛乃成其姓是已三川披髮辛有得見事之機八卦占爻辛廖有知人之鑒佐治已東都上將魏帝解衣武賢已西國功臣漢王推轂祖太汗武川太守考生河州四面總管大都督隴右貴臣河西鼎族公侯踵武岳牧連鑣竝得聲振長榆名雄高柳公秉靈山岳載誕星辰結髮巖然齟年成德澄波萬頃建標千仞鋒穎既高光芒已遠青衿學劍既為人主所稱童子論兵即佐中軍之策永熙元年入仕蒙授直盪都督太祖文皇帝雪舊君之恥連西伯之功始裂鴻溝初登函谷公濯衣沐

髮杖劔轅門撒洗足而相迎下賓階而顧問自此卽居帳內仍爲直寢授寧遠將軍羽林監白土縣開國伯邑五百戶大統元年從迎大駕進爵爲侯增邑三百戶加冠軍將軍散騎常侍轉大都督公善于用兵長于撫御自攻洛陽定弘農戰河橋平沙苑冒刃衝鋒前無橫陣況已弦木六鈞函犀七屬門多懸冑箭必中鞍山積器械谷量牛馬軍吏計功司勳賞策授使持節銀青光祿大夫進爵爲公增邑八百戶昔者受律赤符韓信當千里治兵白帝張飛擬萬人皆比于今日公之謂也五年授使持節都督揚州諸軍事揚州刺史浮于江海達于淮泗篠蕩旣敷瑤琨卽序十三年授車騎大將軍儀同三司尋遷驃騎大將軍開府仍賜姓普屯卽爲官族入陪武帳出總戎韜置府于陽關張旃于瀚海故得上書于漢卽用同宗爭長于周還無異姓十六年授鄜州諸軍事鄜州刺史公頻煩兩牧風政神明虎去西河梟移東郡河湄瑞氣特表廉平

大五九十三

鄜時神光偏明正直及乎魏終天祿周受惟新明命已遷彝倫或革周元年改授大將軍抱罕郡開國公增邑一千戶軍中受詔非論北伐之功大將登壇無待東歸之策置陣太平開陰晉之道連兵廣武納滎陽之城校戰丹山移營白壁莫不勇冠三軍名凌五將保定四年授寧州總管掌其北門旣爲鄭國所委捍其西鄙無懼秦亭之逼是已築平綱之城衛人拱手成滎波之澤梁氏寒心朝廷與公有內外之親令公從咸里之貴乃已魏文帝女爲公夫人遂得長門之左別開公王之園濯龍之傍便有王姬之館五年被徵入京拜少司馬期于司武已公爲魏絳佐于中軍已公爲荀首豈直謂之鶉火稱之縉雲而已哉其年被使領兵出西涼州奉迎突厥皇后紀裂孺來卿爲君逆稱族而行尊君命也天和元年授柱國拜大司寇楚之柱國方之南火軒之司寇譬已西雲總授于公能官人也建德二年授少傅四年授河州總管都督七州諸

軍事卽爲河州大中正公之桑梓本于此地再爲連率頻仍衣錦
襄城龍種更反池臺桂陽仙人還歸鄉里故老親賓酣歌相慶安
車駟馬天下榮之宣政元年授上柱國更加少傅配于上相卽陪
玄扈之圖居于京師實有圮橋之策改封宿國公食邑并前五千
五百戶射鴻舊圃舞鶴餘城旣浮酸棗之河聊對淇園之竹來朝
建章則天子降席出遊戚里則羣公下階是已行滿天地名聞四
海方當光輔五君參謀七政天厲弗戒薨于所居春秋六十有九
柳莊告殯傾社稷之臣鄭僑云亡得諸侯之禮詔贈某官諡某公
禮也己今開皇元年七月某日反葬于河州金城郡之苑川鄉山
行隴底地入塞原望積石已緣河臨崆峒而下坂玄甲黃腸崎嶇
亭郭及云奠徹方勞榆沈若夫樹反壤也封夏屋焉終須潁川之
碑乃見華陰之碣世子儀同永達孝性有聞居喪得禮嗟海變而
田成懼山飛而地絕勒石墓田仍銘云爾

大六百六十

少典之孫玄王之子虹貫于月金承于水降及于周公侯復始風
俗氣候山川表裏河連積石山帶崆峒秦亭北上漢使西通金行
氣壯地勢人雄稜稜高節凜凜疏風祖考藩屏濁河清渭兩地謨
明雙流光貫水無別色雲無異氣爲吏爲民惟懷惟畏公之嗣世
實秉英靈降神中嶽迴文列星鸞翔鳳舞珠角山庭臣深義本子
極天經洛城戰陣河橋旗鼓箭飲石梁劔燃銅柱竝麗六麋俱抽
雙虎玉門開部陽關置府再爲上台兩爲少傅模範帝師經綸國
步允襲峻德欽明審論不吝車茵誰言溫樹天道茫昧年齡倏忽
上將星開功臣鼎沒九原陵阜三河甲卒地險龜林營危馬窟西
州永別北闕長辭山張虛蓋野祭空帷陵原地迴松路風悲銘于
碣石勒已貞龜

文苑英華
九百十一

周柱國楚國公岐州刺史慕容公神道碑

昔在殷書懋賞周禮議勳諸侯計功大夫稱伐惟師尙父昆吾載

寶鼎之銘王命尸臣栒邑傳珣戈之賜故知太上立德明試已功
存有顯爵之榮沒有大名之貴昊天不弔其惟楚國公乎可已旌
德景鍾勳勳彝器式昭盛美載揚洪烈者焉公諱寧字永安昌黎
徒河人也都尉總六縣之卿名山稱五岳之佐燕太祖文皇帝慕
容皝已當世英雄奄有河朔趙之南境且建王城冀之北土仍為
興國公既皝之苗裔家世燕陞高祖侍中使持節都督中外諸軍
事太保錄尚書北地王慕容超之世蕃屏王室詳之燕錄可得稱
焉曾祖尚書府君因魏室之難改姓豆盧仍為官族祖仕魏文成
皇帝考早亡朝廷已庸勳攸屬恩深追遠保定三年有詔贈柱國
將軍少師涪陵郡開國公食邑二千戶公稟氣中和降祥川岳岐
嶷表羈貫之年通禮稱綺紈之歲夙著奇節幼表大成兄弟分果
備知推讓賓客解鈴曾無恠色永安元年太宰元天無穆魏室滿
輔握兵淮右抗權江南公時任別將便從征伐自是長城碣石必

大六百三十一

先行陣秦南隴西每當矢石摧堅乘勝莫不前驅策勳行賞常居
第一永熙元年補子都督并加鼓節軍儀除桑乾太守轉補都督
其年已魏皇西幸奉迎大駕賜封河陽縣開國伯增邑三百戶俄
遷大中大夫改伯為侯增邑合九百戶仍授使持節都督顯州諸
軍事顯州刺史四年遷鎮東將軍金紫光祿大夫其年秋河橋之
役先登破陣遷為車騎大將軍儀同三司五年沙苑之功加封合
前二千戶俄授敷州刺史加散騎常侍外深推轂內侍集書十五
年授右衛將軍十六年授大將軍後魏元重重授敷州刺史公已
先經刺舉固辭不就三年改封武陽郡開國公除尚書僕射職惟
贊奏任居封掌分左右之儔兼典舉之選屬已江南阻兵渚宮邊
敵軍機警急鋒鏑縱橫公奉命星言元戎啟路總秦人之銳士兼
荆尸之廣卒水龍競雙刀之勢步騎陳四分之威夷陵既燒黔中
方定旋軍返旆解甲休兵其後鳳州內叛成都外絕公又總督眾

軍蒐乘卽道兵不血刃竝皆擒獲遷其酋豪納其降附皇朝受終
文祖革命神宗選賢與能改絃創制爰降冊書授公柱國增邑四
千戶二年授同州刺史衿帶關輔脣齒秦晉編戶殷積邸閣儲峙
藩籬是任親賢勿居公建旗作牧褰帷行部六條斯舉百城咸勸
三年授公大司寇又由公勳庸特著冊封楚國公食邑一萬戶蓋
因破侯方仁等干荆陝卽其地而封焉逃糾王慝弛張刑政式遏
寇虐于是御之呂寬猛柔遠能邇然後平之呂冲和舜任咎陶不
仁者遠晉舉隨會羣盜皆奔保定四年授岐州諸軍事岐州刺史
沈痼彌留保定五年三月四日薨于私第春秋六十有二詔贈某
官諡某公禮也十月庚申葬于洪瀆之川馳緯毀宗客車專道立
甲被屬國之兵介士陳輕車之騎克善令終生榮死感嗚呼哀哉
經德秉哲體道居貞履貴思冲居盈念損澄波千畝不能變其清
濁高牆百仞無已測其汗隆立身行已居安如墜亡躬徇義視險

大六百五十九

若夷至于將略應變出奇設伏太一風角之占常從星辰之候艤
船戰陣之錄強弩馳射之書莫不動會機神發符雷電梯衝所向
地靡百樓之城長戟所臨野闕三門之陣是已斬將搴旗四十三
戰尊官厚祿三十七年武彰七德之義誦九功之業迹紀庸器
之文行昭易名之典昔臧文既歿穆叔稱其立言鄭僑云亡宣尼
泣其遺愛德陽青石之墓千年未平板江白虎之碑百代無毀敢
因斯義乃作銘曰

遼水之東冀州之北旣曰都尉兼稱屬國斂氣餘勇雄邊遺則孝
實天經忠爲令德冠冕世祿羽儀祚胤俗被燕丹風漸英蘭劬勞
役行辛苦行陣勇過溺駿氣踰瓦震王國克生思皇多士溫溫恭
人謙謙君子擁旄仗節出蕃入仕口口五朝建旗千里時逢改特
名載策勳淮陰召拜昭陽破軍職司刑政獄慎深文沈羊不飲荏
盜無聞巴庸薄伐江漢專征軍總六校兵兼七營運長擊短後實

先聲增壘威敵滅竈潛兵鍾鳴夜漏晞露朝陽邑里蕭索宅帷荒涼豐碑下柩題湊遷喪宮臨櫛里臺傾孟嘗卜兆戒期遠辰告筮德遺身後名昭沒世館舍長捐泉局永閉晏嬰悼齊柳莊悲衛風秋北原日沒川逝葬田舊頃客土新封淚墮片石劔挂孤松清徽令範千載餘蹤文苑英華九百十九

周兗州刺史廣饒公宇文公神道碑

唐朝曰元凱竝進十有六人周室曰昭穆先封十有五國發源纂胄葉派枝分開國承家珠聯璧合是用克明俊德思皇多士盛德有後公其裕哉公諱常字子元豫州滎陽人也周宣中興然後樹賢建威鄭武有國然後保姓受氏荆衡之賦千乘莫敢加兵虢會之封十城翻爲獻邑況復郊門致騎先迎內史之賓南宮旦朝獨識尚書之履祖思慶建威將軍山陽太守建威取曹仁之號可已定名山陽有王暘之賢足觀風俗考頊銀青金紫方于溫羨傳祇

大六百一十一

鎮南征東比于劉弘荀顛報功之冊則槐路是儀贈行之典則荆河惟牧公弱齡早慧幼志夙成立必正方言無勦說青衿知勇卽埋雲夢之蛇童子仁心已愛中牟之雉始遊庠塾不無儒者之榮或見兵書遂有風雲之志出忠入孝事盡于心脩身立名理窮于性大統三年起義華陽先登廣武浮潛逾沔入渭亂河蒙授永安縣開國男輔國將軍自爾長從太祖入爲帳內都督河橋接戰秋水則三月不流洛城揮鋒金墉則一月路斷西京不賓羌戎侵軼城如飛鳥地有伏龍公曰金僕裁抽靈鈺整舉蜂目已奔狼心遂革遷平東將軍帥都督十五年襲父封魏昌縣開國伯轉大都督魏後三年授使持節車騎大將軍儀同三司黃權受詔嘉其入魏之功竇憲當官賞其平戎之策公之此授勳庸著矣進爵廣饒縣開國公邑五百戶保定三年授都督羅州諸軍事羅州刺史仍領金州兵馬應接上庸公于文谷路溪澗崢嶸巖崖豁嶮山窮水斷

馬束橋飛中埽既開雙城卽款往者申息盡掩江黃無援涔陽極浦亟犯風塵夏首西浮頻遭鋒鏑公已伏波受脈樓船誓眾入橫江之陣進下瀨之兵越客文身湛盧終去吳人長鬣餘艤遂還建德四年授使持節開府儀同大將軍公孫敖下光祿之塞諸葛誕勒丸都之山公之處焉差無慙德四方雜俗天下殊風已君廉能使乎觀察馳傳擁節揚旂持斧既乘驄馬仍被繡衣羣盜累足貴戚斂手鄉亭畱宿幸無歸忌之疑公車奏事寧有反支之日是使陽球司隸無所申威鮑恢都官因人成事高祖武皇帝已仲春誓眾甲子濟河公仗劔六軍披圖八陣譬彼張遼前鋒而報魏主方之耿弇先戰而待蕭王及乎九州道同四隩既宅遂得功參勇爵名入司勳授上開府增邑五百戶加已舉功行賞推恩分邑兼乘而反光乎譙郡之城載寶而歸照于臨漳之水卽日賜姓宇文與國同族婁敬上書于鹿輅項伯舞劔于鴻門公之此榮足爲連類

大六百五十九

已公績著屯險誠貫風霜其年授使持節督東徐州諸軍事徐州刺史宣政元年授都督南兖州諸軍事南兖州刺史作牧濟河風行于雷澤建旗海岱化被于淮沂澹惟入境貪殘者解印冕旒從政仁義者郊迎豈直白石開渠青鹽換粟祥雲入境行雨隨軒而已哉在任遘疾薨于方鎮百里嵩監御斯牧賢能刺史荀中郎連率百里已下數語有脫誤此則中興方伯英聲茂實公之有焉詔贈某官諡某公禮也已大象二年十一月十日歸葬于滎陽之某山舊墓九原悽愴趙文子其何言駟馬悲鳴滕成公其已遠若夫勒鼎刊碑銘功頌德陳其令範必在生前嗟乎此之樹碑異乎洙泗之水此之勒石異乎燕然之山嗚呼哀哉乃爲銘曰

高陽之子少典之孫蒼林遠邁若水遙源公侯復始鍾鼎逾繁承基纂胄建國開藩我壯我武既公既侯緇衣出鄭卿士歸周魚陵北上滎澤東流河移酸棗雨粟陳畱祖守南邦考鎮東部兩龜迴

印雙蛇結綬日察陰風星占長柳是日世載其名不朽事親之道
孝曰立身事君之道忠曰立仁今君嗣德一此君親如松之茂如
竹之筠功參荆棘職主兵戈北臨青嶺南通白波直雲橫塞長星
渡河陳開沙斷師移竈多舉功行賞封疆受位宮室鏤珪山河分
地決勝千里謀深計秘建武功成名連星次建旗濟潔擁節龜蒙
既蠶桑土實撫梧桐野無異氣河無別風吳亭楚壁莫敢彎弓倏
忽身世俄然松檟路轉銅魚山迴石馬武侯之廟樂公之社望此
高碑悽然淚下文苑英華
九百十九

周隴右總管長史贈少保豆盧公神道碑

君諱恩字永恩昌黎徒何人本姓慕容燕文明帝黜之後也朝鮮
箕子之封孤竹伯夷之國漢有四城秦爲一候其先保姓受氏初
存柳城之功開國承家始靜遼陽之亂自天市星妖連津兵覆尙
書府君改姓豆盧筮仕于魏祖什伐左將軍魏文成皇帝直寢父

大六百一十七

甚少曰雄略知名不幸早世周朝曰公兄弟佐命義存追遠保定
二年有詔贈柱國大將軍涪陵郡公是知春雨潤木自葉流根西
伯行慶唯存及沒公曰山岳精靈星辰秀異氣侔鐘鼎聲感風雲
猛虎震地七歲不驚羝羊觸藩九齡能對太祖文皇帝乘時撥亂
奄有霸業潁川從我舊愛無忘春陵故人相知唯厚普太二年關
西建義授珍寇將軍奉迎大駕賜封新興縣伯邑五百戶開新安
之陣還移楊僕之關解弘農之圍更入劉昆之郡援桴并轡並預
前驅大統三年有沙苑之戰四年有河橋之役介冑蟻蝨戎馬生
郊公靈變逾長風颯更勇隱若敵國差強人意授龍襄將軍中散
大夫八年授直寢右親信都督尋轉大都督加通直常侍十六年
授使持節車騎大將軍儀同三司魏前元年授驃騎大將軍開府
儀同三司鄧騭曰漢朝親戚始處中台黃權曰魏國功臣初登上
將公頻煩寵授朝野爲榮三年都督成州諸軍事成州刺史尋加

侍中外總連帥威振百城內參常伯榮高八舍于時隴坻黠羌時
穿上谷榆中羣盜或聚漁陽公卷甲星馳長驅千騎迴洛凶徒望
風草靡瓜州豪傑束手歸軍魏後元年改封龍支縣侯三年朝廷
使大將軍安政公隨突厥天口及吐谷渾國河湟二州燒當口口
公領騎五千呂爲戎防東通丹鎮西望白蘭關塞無塵公之力也
周元年授都督鄯州諸軍事鄯州刺史其年改封沃野縣開國公
食邑一千戶二年授隴右總管府長史武成元年都督利涉文三
州諸軍事利州刺史五年兵破文州楊陳蠻仍平瀘水呂保定元
年秋將兵破巴州恆楊獠度瀘五月葛亮有淡入之兵長坂九
迴王遵有忠臣之路霜雹不驚水草無乏天幸將軍斯之謂矣其
年授司會八法斯掌九賦是均事總歲成功參月要三年還授隴
右總管府長史公屢弼英蕃頻相大府北海入朝仰呂對問東平
謁帝因而定禮遂使馬首懷燕不無樂殺蕃臣擬漢或多田叔兄

大六百五十九

楚國公呂參和挹讓莊贊樂推建國開都奄荒南服求呂先封武
陽郡三千戶益公沃野之封朝廷呂兄弟相讓不無前史推恩分
邑有詔許焉增邑并前合四千七百戶既而六氣相犯五聲相觸
靈壽不終遊魂且變薨于官舍春秋五十八詔贈少保幽冀定相
等五州諸軍事幽州刺史諡曰敬公禮也天和元年二月六日葬
于咸陽洪瀆川大夫墓樹呂柏諸侯墳高于雉鳴呼哀哉公資忠
履孝蘊義懷仁直幹百尋澄波千頃畱心職任愛玩圖籍官曹案
牘未嘗煩委戎馬交馳不妨餘裕兄弟公侯國朝親戚宜春有湯
沐之盛濯龍無流水之譏渭南千畝之竹尚懼滿盈咸陽二頃之
田常思止足立身則十世可宥遺子則一經而已刺史賈逵之碑
既生金粟將軍衛青之墓方畱石麟乃爲銘曰
朝鮮建國孤竹爲君地稱高柳山名密雲遼陽趙裂武遂秦分寶
珪世胄雕戈舊勳名稱賓實言謂身文挺此含章降茲岐嶷有犯

無隱王道正直唯愛唯敬永成悅色枕籍禮園雷連學植策參帷
帳功披荆棘韓陣揮戈齊城憑軾豹策乃建龍韜同啟校戰岐陽
申威隴坻城壘畫地山川聚米上馬諭書臨戎習禮賈復開營廉
公屈禮從容傳會占對造請用此廉平終茲寬猛綠林兵息潢池
盜靜名振赤山威高青嶺玄獸浮河飛螟出境災氣生隴毒水侵
涇朝傾地鎮夜落台星石壇承祀豐碑頌靈渭城高柏昌陵下亭
須知地市為讀山銘

碑本藝文類聚五十五文苑英華九百一十五

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後周文卷十五終

大五百二十七

全後周文卷十六

烏程嚴可均校輯

庾信九

周大將軍襄城公鄭偉墓誌銘

公諱偉字子直滎陽開封人也周宣母弟就封于鄭河洛之地卽
有民人號鄙之君非無郡邑其後蛇鬪于門鼉嘗于鼎韓侵負黍
晉滅陽城其祀忽諸己國為氏祖徹撫軍贈濟州刺史父先護驃
騎大將軍儀同三司襄城郡公青州刺史永安中洛城晝掩黃河
凌合翟泉盟會之地蒼鳥忽飛武庫兵欄之中鱗魚逐上三帥北
綫五馬南浮梁武帝大造中原樹君伊洛公憑軾棧車言歸舊壤
起為通直散騎侍郎天厭魏德政在強臣公恥入亂階乃于陳畱
起義太祖封函谷而待諸侯坐鄴宮而朝羣后威懷是接席卷西
飛大統三年入朝蒙授武陽縣開國伯食邑六百戶尋除龍驤將

軍北徐州刺史開河橋之陳解玉壁之圍張旃于富平被練于伊
闕探虎穴而揮戈上魚門而懸胃故曰策名司勳功高舍爵魏將
侯景狼顧荆河天子命我偏師赴接垂餌虎口中途背盟事獲交
綏公之力也除中軍將軍散騎常侍大都督襄襄城郡公食邑二
千戶仍除使持節車騎大將軍儀同三司餘如故遷驃騎大將軍
開府加侍郎常伯位重霍去病之登朝上將官尊公孫敖之出塞
已今方昔異代同榮魏後二年授大將軍事江陵防主都督十五
州諸軍事吳兵教士艦舳習流島嶼憑陵波瀾衝激公暨臨江界
已悉南越之兵裁汎樓船卽善昆彌之戰遂得安歌澧浦弭節涔
陽留魯侯而宴章臺對齊人而畋雲夢周保定元年授使持節都
督宜州諸軍事宜州刺史天和六年授都督華州刺史餘如故嶠
函重嶂沂渭分流陽陵之盜旣奔華陰之學還聚而消渴連年屢
有相如之患至于大漸遂如范增之疾桐君對藥分闕神明李柱

大五百八十七

侍醫更無方便曰天和六年四月十七日薨年五十七詔贈本官
加少傅都督司豫洛相冀五州諸軍事司州刺史諡曰肅公禮也
天子輟朝彌深大臣之誼羣公會葬咸得同盟之禮夫人李氏頓
丘貴姓卿相之門賢才之室霜露先侵策封郊次曰其年十一月
六日合葬于咸陽之長安縣某原合葬非古旣異三王之前死則
同穴還同六載之始雖復銜珠兩鶴同歸紫蓋之松出匣雙龍共
沒延平之水嗚呼哀哉乃薦銘曰

國有巖邑朝多君子武公莊公平王卿士溫麥渝盟昉田廢祀驂
乘停輿來朝識履惟祖惟考旣侯旣公樞機周密出納清通治煩
政簡處亂心雄濟河遺惠海岱餘風世濟其美載誕其器忠無不
爲孝則不匱幽冀分梗關河鼎沸自北自南聲聞梁魏揚旌汝穎
威震三川擁旄江漢席卷樓船成皋塵起廣武烽燃麋興麗箭雁
落驚弦總衛蘭綺申威河外山頹鼓樓樹如車蓋都護兩道將軍

獨拜梧桐茂苑楊柳倡家千金迴雪白日流霞凋零倏忽悽愴榮
華河陽古樹金谷殘花隴昏雲暝山深路晚風氣纔高松聲卽遠
疇昔親友懽愉交結不爲平生應爲此別文苑英華九
百四十七

周驃騎大將軍開府侯莫陳道生墓誌銘

君諱道生字某朔州武州人也本系陰山出自國族降及于魏在
秦作劉父少興武川鎮將山河抗拒關塞被邊早擅威聲咸多雄
烈君子讀書馬上清談劍端獨運六奇專精三略雖復身居末將
而勇冠旌門位在支軍而謀參幕府魏正光五年任統軍隸天柱
爾朱榮征北海王永安三年隨太師賀拔勝入關尋轉別將滑源
卷甲關城東馬竝皆剋捷君有力焉永熙三年補都督太祖文皇
帝奄有關河令行天下已君幹略委之爪牙名浴中涓功參上造
兵臨河曲前登白馬之津寇發蒲城先戰黃沙之苑臨晉橫船旣
禽趙將馬陵削樹復下齊兵班瑞司勳披圖疏爵授驃騎大將軍

大六百二十九

金紫光祿大夫鄆縣開國公食邑五百趙儼之爲驃騎正駕單車
張堪之拜光祿長乘白馬已斯連類朝野榮之大統九年更姓侯
莫陳氏隨大將軍拓跋遠經始陽二水長鬪三川無市擐甲構疾
死于轅門春秋五十一贈持節都督朔州刺史君在武川文皇帝
同鄉里霸功旣立王業克成不忘捨講猶論償博今嗣德惟新功
臣追遠東都馬鳴不無見日之歎北陵車過終憶平生之言有詔
更贈使持節驃騎大將軍開府儀同三司都督宜敷絳三州諸軍
事敷州刺史諡某公禮也夫人拓跋氏安邑郡夫人庭有鍾鼓家
承箴誠教容教德音告言歸天和五年六月薨卽其年十月同
葬于京兆某縣洪源鄉武子成寢請西階而合葬平陽下嫁卽廬
山而共墳銘曰

凝陰遠寂廣漠平寒沙窮瀚海地盡皋蘭塞鴻秋去胡桑夏乾風
土壯氣山河凜然師旅上谷威雄武川君則繼踵代不乏賢匣有

忠劔庭流孝泉魏室多故餘風未殄天保護德當途廢典上將指
縱中涓力展洛城夜捷河梁朝翦鐵劔金龜榮追玉鉉身胄漢祚
門承魏緒竝擅華宗俱稱當路伉儷云匹年齡竝故趙瑟秦聲同
爲丘墓小陵石槨洪源鄉墓芻靈兩引池柳雙前隊路仍合松城
卽連霜隨柳白月逐墳圓芝蘭幾代陵谷何年

文苑英華九
百四十七

周車騎大將軍贈小司空宇文顯墓誌銘

公諱顯字某上黨武鄉人也自太霧浮河長虹映渚承源于若水
纂系于蒼林上黨居韓之西常山在趙之北因地爲氏可略而言
焉祖求南衛將軍冀州刺史父金殿征南將軍定州刺史竝控鶴
兵俱張戎樂聲榮之盛繼踵當年公稟山嶽之靈擅風雲之氣容
止矜莊聲名籍甚彎弧挽強左右馳射故得名高上谷威振樓煩
襲爵安吉縣侯食邑五百戶永興三年幽并叛換有無君之心帝
顧謂公曰天下洶洶將若之何公曰擇善而從之乃誦詩云彼美

大六百一十三

人兮西方之人兮帝曰是吾心也乃定入關之策曰公母老家大
令預計公曰今日之事忠孝不竝君不密則失臣臣不密則失身
帝愴然改容曰卿是我王陵遷朱衣直閣閣內大都督改封長廣
縣公邑一千五百戶武帝初至潼關太祖親迎溱水太祖素知公
名而未之識也目于眾疑而不問直云令此人射水傍小鳥應手
卽著太祖喜云我知卿名矣卽用爲帳內都督滄州諸軍事滄州
刺史增邑并前二千五百戶黃公衡之使士魏后是已推心潘承
明之忠壯吳王爲之降禮異代同榮見之今日東夏邊隅地連荒
服井陘塞道飛狐路斷乃曰公爲使持節衛將軍都督東夏州諸
軍事東夏州刺史白波青犢之兵銅馬金繩之亂莫不交臂屈膝
牽羊抱馬在州邁疾解任還朝小馬畱廩餘牀掛衽吏人攀戀刊
石陘山雖非漢陽之城還侶扶風之路授使持節車騎大將軍儀
同三司加散騎常侍曰魏後元年疾甚亡于同州春秋五十七天

子輟樂羣公會喪太祖親臨弔祭哀慟左右于時兵革交侵普斷
贈諡卽日本官印綬權葬于同州之北山今建德二年二月二十
三日遷葬于咸陽長安縣之洪瀆原時逢禮樂之遷代屬謳歌之
變國雖異政人足追榮乃贈使持節驃騎大將軍開府儀同三司
小司空丹延綏三州諸軍事延州刺史諡某公禮也夫人高氏渤海
人也柔參晉政拒曹爽之異謀起在漢庭共王陵而俱對況乎
箴訓有儀言容曰德肅恭中興賢才內則豈直不聽雜樂曰變齊
國之風不食鮮禽曰斷荆王之獵昔之合葬季武子之西寢今之
同穴長平侯之北陵世子神舉兄弟至性純孝善居喪禮有終有
始于身無改是召宦成名立孝顯忠存銘曰

北岳二名葱河兩本其峻惟極其源惟遠俗稟山川人資台衮義
烈桓桓才雄惘惘乃祖乃父繼踵威雄擬金北陸鳴玉南宮隱若
吳漢賢哉實融負霜依德無雷向風挺此含章生茲秉德孝實天

大六百五十一

性忠爲人則賜轂鏤膺燕南趙北若水將通九部可勒帷幄參謀
宮闈典職善擇忠言能防變色繁弱已勁淇園乃直戟中小支禽
穿左翼建旗赤谷揮戈武州長城萬里河水雙流潁川多恙淮水
未瘳義重穿壁恩深置郵于谷之口于渭之丘陽山零落碑闕低
昂草銜秋火樹抱春霜書劔俱沒人琴竝亡哀哀嗣子純心靡託
孝水未枯悲松先落室進巢鷲門通弔鶴功臣身殞會圖麟閣文苑
英華九百四十七

周大將軍琅邪壯公司馬裔墓誌銘

公諱裔字遵肩河內溫人也南正司天北正司地是謂義和之官
卽嗣重黎之政印之歸楚與章邯而竝封豫之避秦共毛公而俱
去祖龍仍居選部水鏡三臺父悅再牧荆河威風千里而身遭禍
機遂爲季布所哭獲存遺嗣實賴程嬰之忠國家追念功臣更撫
叔敖之子言思官族還求女齊之肩公始應辟爲河內功曹除員

外郎常侍汲郡治兵黃河浮馬雄鋒軹關之捷逐北長城之陳授
 平東將軍北徐州刺史柳泉風塵三城席卷棠陰鋒鏑千室入關
 遷車騎大將軍儀同三司開國龍門縣伯仍除巴州刺史雖復巴
 水三迴夷歌數曲徒逢白竹之弩已濟青衣之功朝廷召漢之功
 臣須開上將之府晉之代曹宜紹琅邪之國遷驃騎大將軍開府
 改封琅邪公食邑一千五百戶宮闈近密實俟忠貞詔為大御伯
 仍除大御正職司常伯任總夔龍王道既平絲言惟允尋除始州
 刺史都督始州諸軍事蠻夷恃險狼顧鴟張高山尋雲深谷無景
 九地縱橫三門起伏峰危馬束水險橋飛遂得谷靜山空冰消霧
 散仍為信州刺史都督信州諸軍事精兵守于白帝足懼巴丘之
 城船楫下于荊州彌動西陵之戍即授使持節大將軍都督西寧
 州諸軍事西陵州刺史將啟北戶之人向通南雲之國聞寵若驚
 奄從深夜天和六年正月十八日亡春秋六十五詔贈本官加懷

大六百一十三

邵汾晉四州刺史諡壯公禮也己建德元年七月十三日葬于武
 功郡之三疇原公愛敬純深有隱無犯忠貞亮直知無不為在戎
 四十二年身經六十九戰至于多竈唱籌竝得成功飛沙擁后未
 嘗乖律恂恂教義吳起西河之風閑閑鼓旗李牧長平之政身死
 之日家無餘財山木所資一由詔葬有始有卒生榮死哀銘曰
 祝融是命重黎克舉公族乃建天官即序避世于秦承家于楚金
 行失馭玉鏡淪輝我之烈祖識變乘機黃旗東沒青蓋西飛落星
 置道長州出圍及我皇父荆河再撫世屬喪亂身沈猾豎嗟我遺
 嗣崎嶇趙武寒覆鳥翼飢吞獸乳獲歸河內更襲琅邪羊方小馬
 怨結長蛇藏兵九地置劍千家雪山埋馬冰河陷車既乃班政超
 然榮守朱鷺頻飛金龜轉紐築塞長榆營軍高柳玉案推食河橋
 勸酒石門冰釋金堤電散蘆水門關茅津成觀馭風逸翮脩途始
 半建武功臣先悲吳漢沈寥搖落游揚浸微金城路斷鄒鳩人稀

風松雲蓋白水山衣賢已星殞人沒蘭衰文苑英華九百四十七

周大將軍懷德公吳明徹墓誌銘

公諱明徹字通昭兗州秦郡人也西都列國長沙王功被山河東
京貴臣大司馬名高霄漢豈直西河有守智足抗秦建平有城威
能動晉而已也祖尙南譙太守父標右軍將軍抗拒淮沂平夷濟
漯代為名將見于斯矣公志氣縱橫風情倜儻圮橋取履早見兵
書竹林逢後偏知劔術故得勇爵登朝材官入選起家東宮直後
除左軍葛瞻始嗣兵戈仍遭蜀滅陸機纔論功業即值吳亡公之
仕梁未為達也自梁受終齊卿得政禮樂征伐咸歸舜後是已威
加四海德被諸侯蕭索煙雲光華日月公曰明略佐時雄圖贊務
鱗翼更張風颯遂遠冠軍侯之用兵未必師古武安君之養士能
得人心擬于其倫公之謂矣為左衛將軍尋遷鎮軍丹陽尹北軍
中候總政六師河南京尹冠冕百郡文武是寄公無愧焉瀟湘之

大六百二十八

役憑陵島嶼風船火艦周瑜有赤壁之兵蓋舳櫓魏齊有橫江
之戰仍為平南將軍開府儀同三司都督湘衡桂武四州刺史遂
得左廣迴局麟車反暘長沙楚鐵更入兵欄洞浦藏犀還輸甲庫
雖復戎歌屢凱軍幕猶張淮南望廷尉之囚合肥稱將軍之寇莫
不失穴驚巢沈水陷火為使持節侍中司空車騎大將軍都督南
北兗青譙五州諸軍事南兗州刺史南平郡開國公食邑八千戶
鼓吹一部中台在立武之宮上將列文昌之宿高蟬臨鬢吟鷺陪
軒平陽之邑萬家臨菑之馬于駟坐則玉案推食行則中分麾下
生平若此功業是焉既而金精氣壯師出有名石鼓聲高兵交可
遠故得艦舳所臨蓋于淮泗旌旗所襲奄有龜蒙魏將已奔猶書
馬陵之樹齊師其遁空望平陰之鳥俄而南仲出車方叔莅止暘
轂文茵鉤膺脩革遂已天道在北南風不競昔者裨將失律衛將
軍于是待罪中軍爭濟荀桓子于焉受戮心之憂矣胡已事君宣

政元年屆于東都之亭有詔釋其鸞鑣蠲其釁社始弘就館之禮
卽受登壇之策拜持節大將軍懷德郡開國公邑二千戶歸平津
之館時聞櫪馬之嘶舍廣城之傳裁見諸侯之客廉頗眷戀寧聞
更用之期李廣盤桓無復前驅之望霸陵醉尉侵辱可知東陵故
侯生平已矣大象二年七月二十八日氣疾增暴奄然賓館春秋
七十七卽巳某年八月十九日寄瘞于京兆萬年縣之東郊詔贈
某官諡某禮也江東八千子弟從項籍而不歸海島五百軍人爲
田橫而俱死焉嗚呼哀哉毛脩之埋于塞表流落不存陸平原敗
于河橋死生慙恨反公孫之柩方且未期歸連尹之尸竟知何日
遊魂羈旅足傷溫序之心玄夜思歸終有蘇昭之夢遂使廣平之
里永滯冤魂汝南之亭長聞夜哭嗚呼哀哉乃爲銘曰
九河宅土三江貢職彼美中邦君之封殖負才矜智乘危恃力浮
磬戢麟孤桐垂翼五兵早竭一鼓前衰移營滅竈空幕禽飛羊皮

大六百五十五


詎贖畫馬何追荀營永去隨會無歸存沒俄頃光陰愴悽岳裂中
台星空上將眷言妻子悠然亭障魂或可招喪何可望壯志沈淪
雄圖埋沒西隴足抵黃塵碎骨何處池臺誰家風月墳塋羈遠營
魂流寓霸岸無封平陵不樹壯士之隴將軍之墓何代何年還成

武庫

文苑英華九
百四十七

賜進士出身一品銜廣東等處提刑按察使司按察使兼管驛傳事務黃岡王毓藻校刊

全後周文卷十六終



大一百一十九

全後周文卷十七

烏程嚴可均校輯

庾信十

周大將軍上開府廣饒公鄭常墓誌銘

公諱常字某滎陽人也周宣王之弟初封其國鄭穆公之孫始成
 其姓祖思慶建威將軍山陽太守考瑱儀同三司豫州刺史南陽
 坐嘯值此邦君西河建隼逢斯刺舉公侯繼踵冠冕連鑣可得而
 言傳于史籍公髫鬣知禮早年馳譽就經學舍略見書堂習武兵
 欄偏知劍術雖復年猶小學已為儒者所稱位在偏裨即入將軍
 之賞大統三年起義華陽授永安縣開國男文皇帝霸迹初基英
 雄輻輳公仗劍轅門潁川從戎洛城逆戰壯于白馬之兵河橋解
 圍勇于烏林之策授平東將軍帥都督襲父封魏後二年授持節
 車騎大將軍儀同三司車騎用郭淮之勳儀同取王沈之貴公之

此授僉曰得人進爵廣饒縣公邑千戶保定三年授使持節都督
遷州諸軍事遷州刺史即總領金州兵馬開拓北戎高山尋雲深
谷無景梯繩乃上浮竹裁通閩越影嚮句吳聲勢公出戰短兵並
皆奔北瓦解冰碎山空谷靜授持節開府儀同大將軍柏梁高宴
有大將軍之詩幕府初開有平陵殊之國比之今日豈可同年而
語哉自是使車被之繡服風謠是察刑政是觀公露節東驅風奔
羣盜埋輪當路威振中原武皇帝有盟津之師曰公為中權之勁
外從決勝內侍軍謀及文軌既同旃旌已偃司勳行賞軍吏舉功
乃授使持節上開府增邑五百戶賜姓宇文與國同乘之榮周之
宗盟非復異姓之後蕃屏是寄隆寵所歸公室無疏此之謂矣九
州都督須得其才千里諸侯實俟其政乃為使持節都督東徐州
諸軍事徐州刺史尋遷南兖州諸軍事南兖州刺史公頻總六條
再勞十部俗變風移人懷吏畏滯穗遺秉有利疲人山桑野蠶足

大五百九十

充貢賦化被殊俗威行鄰境奏事京師四方第一謂真刺史其在
斯乎春秋未高奄然邁疾曰大象元年薨于州鎮時年六十三嗚
呼哀哉吏人扳慕飛走變色河濟輟春淮沂罷市曰今年歸葬于
滎陽之山詔贈某官禮也嗟陵谷之負遷懼徽猷之永遠地久天
長敢鐫貞石銘曰

荆河惟豫洛食之本水遶滎波山斜陸渾德星猶照祥風未遠代
不乏賢文無關喪公之生也實降英靈忠為德本孝稟天經觀書
虎館學劒龍亭雕弓偃月行馬流星置陣黎陽麾兵官渡平陰聽
烏馬陵書樹氣視迴津星占飛步火斷羌營沙崩賊路及驅犀節
乃牧雄州吏不驚大人無喘牛西蠶得歲東作逢秋草爛獄戶星
低市樓五將星亡三台岳折哀哉天道遂當明哲棟梁崩壞風雲
寂滅北郭長悲東都永別幽深此地宅兆斯憑
陵悲風夜烈苦霧晨凝蘭芬荻茂終古相承

文苑英華九
百四十七

圈路上魚

周大將軍聞嘉公柳遐墓誌銘

君諱遐字子昇河東解縣人也秦始征晉之地漢開平越之鄉律中夷則星居鶉首况復莊謀于衛既爲社稷之臣喜對于齊無廢諸侯之職祖叔珍宋員外散騎常侍義陽內使有徐邈之應對居于散騎之省有汲黯之正直理于淮陽之郡父季遠臨川王諮議參軍宜都太守蘭臺石室是所洽聞白馬飛狐逾高詞氣西都吳融擅名江表言談相會宛如舊焉君膺令德之靈稟沖天之氣齟齬髻髮夙智早成愛敬自天虔恭得性含仁抱義履信居貞世父儀同忠惠公特加器異乃謂公曰吾昔逮事伯父太尉公見語云我昨夢汝登一高樓樓盡峻麗吾曰坐席乞汝汝或富貴恨吾不及見耳吾向聊復晝寢又夢將昔時坐席還復賜汝汝官位當復見及王祥佩刀世爲卿族鮑永驄馬家傳司隸呂此連類差無慙德輕車西昌侯作藩襄漢君時年十二呂民禮脩謁進止端詳神

大六百一十八

情雅正侯目送之不輟試遣左右踐君衣裾欲視舉動君徐步稍前曾無顧眄魏侯之見劉真不覺斂容漢主之觀田鳳遂令題柱比之今日曾何足云驃騎廬江王帝子出藩懸衡高選呂君華望召爲主簿張坦直諫既稱荀令之香鄒湛知言彌見羊公之德諮議府君于都薨昔君奔赴六日卽屆京師形骸毀瘁不復可識靈柩沂江中川薄晚亂流乘選迴風反帆舟中之人相視失色抱棺號慟誓不求生俄爾之閒風波卽靜咸呂君精誠所致成都孝子自赴江流桂陽先賢身彰野火竝存靈柩咸可傷嗟太夫人乳閒發瘡醫云惟得人吮癩血或望可差君方寸已亂應聲卽吮旬日之閒遂得痊復君之事親可謂至矣從兄右衛擁旌嶺表苦相攜致昔馬遊志氣爲馬援所知班嗣才學爲班彪見賞復聞于今日矣乃除永化縣令靜尋欵案或吟長岑之遠乍撫鳴琴不曰河陽爲陋日南金柱合浦珠泉莫肯經懷未常畱目解巾平西邵陵王

法曹參軍仍轉尚書工部侍郎始入禮闈既登蘭閣尚書僕射陳郡謝舉人望國華引君言論謂同坐曰江漢英靈見于此矣西中郎岳陽王曰綠車之重臨西河之牧敕用君爲本州治中尋遷別駕王叔理曰品物流名陳仲舉曰題軒馳譽君之展驥兼而有之及乎大盜移國王室騷然且動星搖雲平虹直岳陽王承制陝左當壁漢南天綱所頓英賢畢集授君吏部員外郎散騎常侍兼太子侍講監儲甲觀事重史丹侍講桂宮名高張禹俄遷車騎大將軍侍中開府儀同三司餘如故方之駿乘霍去病爲侍中譬彼將兵公孫敖爲驃騎足曰照曜六府謨明九德豈直允諧上將匡贊中軍而已哉旣而言從梁國服政鄴都管仲有辭卽受下卿之禮臧孫見德還奉嘉賓之宴有詔授使持節驃騎大將軍開府儀同三司霍州諸軍事霍州刺史犀節去關袞衣馳傳迎郊則文學前驅賓衛則邦君負弩直曰五溪遼遠馬伏波之思歸三湘卑溼賈

大六百五十九

長沙之不願是曰宜城刺史直會鹿門白沙故地仍畱龍種天厲弗戒奄然終極天和某年歸窆于襄陽白沙之舊塋君睿宇詳正風鑒引敏澡身浴德游藝依仁汝南令望扶風長者不言財利王夷甫之爲德不談人物阮嗣宗之爲人從容亂離之機保此合德舒卷風雲之際無妨貴仕張衡渾儀之後卽賦歸田杜預沈碑已來遂停鄉里王仲宣有讀書之樓諸葛亮有彈琴之宅實欲因此謝病閑居終焉鳴琴在膝或對故人寶劔自隨時過稚子百年俄頃嗚呼哀哉遂使君子之陵止埋銅劔賢臣之墓唯銘石函其銘曰

有莊有惠居魯居衛義是隨時才堪濟世北部尚書東京司隸必復其始侯君相繼華蓋一岳文昌一星青衿辯志童子離經義勛非典書勤映螢往年靈柩漂泊江淹曰君哀慟川后停波揚名北海馳譽西河誰登九折不入朝歌蔚炳胥變攀陪遂遠白鹿隨軒

丹輦附冕位參上將榮兼本選蛇盤綬結龜迴印轉來朝平樂歸
政咸陽蕃維卽啟軍幕仍張起茲禮數峻此戎章長離宛宛刷羽
陵江世急奔流年催驚隼滅沒頓轡扶桑搖軫智土石折賢人星
殞西鄂芝枯南陽菊盡愴焉啟手生榮終極相杵輟春鳴機罷織
熒熒屑子視陰餘息霜露履之哀哉欒棘龍巢北望鳳闕前觀松
長風遠地厚泉寒書理簡落琴覆絃寬贈行之冊書而納棺

文苑
英華

九百四
十八

故周大將軍義興公蕭公墓誌銘

昔司徒之敷五教當堯讓之初丞相之總萬機值秦亡之後若殷
人受氏乃承微子之封梁運應圖寶啟延陵之國公諱太字世怡
蘭陵人也太祖文皇帝之孫鄱陽忠烈王之子派別天潢支分若
水直幹自高澄源已遠茂親明德是稱毛畢之功宗子維城乃建
邢茅之國大同元年年十六封豐城縣開國公食邑五百戶山臨

大五百九十四

鶴塞非無陶侃之賓氣連斗牛卽有張華之劍解褐給事中仍太
子洗馬公子出身非郎官而同品中朝洗馬異式道而前驅呂公
居之誠爲高選大同元年入直殿省其年轉太子中書舍人南宮
宿衛職司簡綺北閣從班榮參顧問通籍兩宮得賢斯在大同三
年授持節仁威將軍譙州刺史褰帷祥氛之境刺舉消憂之地南
陽風俗文學更多美稷相迎童兒逾遠旣而亂離瘼矣王室騷然
大夫有行役之悲君子有無期之怨背關懷楚扁舟而行江漢奉
當璧之君華夏歸中興之主承聖元年拜侍中無雙對問實踵武
于丁鴻多識舊章足齊衡于王粲二年除持節平西將軍臨川內
史仍轉平南將軍桂陽內史尙方鑄劍再轉金龜御史分符雙封
銅虎豈直鄧攸清白見稱五鼓之歌劉寵廉能名爲一錢之郡遂
已天保未定王途多梗還吳不可歸蜀無路臨淄負海翻然改圖
竄身清漳垂翅渤海蒙授車騎大將軍散騎常侍仍爲持節都督

永州刺史而秦亭壓境邾拆聞城鼓角地鳴將軍天落雖復瓶缶
聽聲無防于地道冠繩柴結不卻于雲梯請命受降翻歸都護周
朝曰楚材晉用不停于平章趙璧秦求無論于羈遠曰保定五年
降使持節驃騎大將軍開府儀同三司義興郡開國公食邑一千
三百戶天和二年授使持節都督蔡州諸軍事蔡州刺史楚頃襄
之愛子既布衣而戍谷魏安釐之母弟亦羈旅于邯鄲憂既傷人
降年不永春秋五十有一薨于蔡州之鎮送故人關空餘袞服歸
軒在道還更垂帷嗚呼哀哉有詔贈官諡禮也五年十一月葬于
長安北原塋里子之墳正臨武庫太史公之墓直對泉門銘曰
玄鳥遠烈相土弘謨東封宋社西斂秦圖人承佐漢國紹開吳有
美令德茂親藩邸建國皇支承家帝弟率由冥會亮直天啟轅固
聞詩唐都習禮博望之苑金華之宮文林講德武帳參戎名書柱
上策滿帷中託身淄右莅政淮東秦亭西逼楚澤南窮時驚獵火

大六百五十八

或懼秋風屬斯遠略逢茲應變陣橫十里兵圍一面月暈孤城塵
驚虛援春筍非糧秋蒿無箭垂翅臥虎夷衿輟戰時值懷來恩加
始賞王爵愈峻戎章更上朱鷺才飛虞歌卽響泣子畱恨藏書長
往炎涼迭運零落山丘霜芬幕月松氣陵秋嗟南國之王子成東
陵之故侯

文苑英華九百四十八

周故大將軍趙公墓誌銘

公諱廣字乾歸邵惠公之元孫幽孝公之長子若木拂日長蛇委
天龍圖幕河之光神鼎連雲之氣六辯構字五運徵祥是已維嶽
降神自天生德凝脂點漆日角珠庭爲子則名高五都爲臣則光
照千里華蓋中天之峰未階其峻虞淵浴日之水不盡其源歲在
瑯車年方竹馬月內桂樹切問能訓石上木生懸思卽悟年十一
孝公薨煢煢在疚孺慕過禮泉驚孝水竹動寒林三行克宣八翼
斯舉大周建國宗子維城設壇封人分司典命開國天水郡公食

邑二千戶元年授使持節驃騎大將軍開府儀同三司其年四月授都督秦州刺史李公久牧汧隴遺愛在人今見撫我君之子四語有脫誤豈獨司隸之臺鮑宣累葉丞相之府韋賢重代二年拜大將軍方衛青之張幕冊重元勳譬韓信之登壇榮高獨拜武成元年遷都督興梁等十九州諸軍事梁州刺史嶠冢導漾乃濟漢之東流蔡蒙旅平實華陽之西極其年九月改封蔡國公食邑萬戶地接韓城關臨楚鄆戶封八縣恩深寇恂之功邑啟萬家事極曹參之賞保定元年授少司寇狂戶荅生固關籥動載酒屬車幸無冤氣觀囚軍府或聽鳴琴二年轉守蒲城都督潼關等六防諸軍事其年閏月遷都督秦渭等十二州諸軍事秦州刺史公亟牧冀城頻藩隴坻豪桀斂手貪殘解印加已上谷精兵漁陽噪鼓北臨高柳南望長榆匈奴下馬之山貴相藏酒之谷莫不遠慕威聲遙承風化二年奉詔向甘州迎皇后有文書手仲子之歸紀裂繻來

大六百一十八

卿爲君逆自非名高絕國威被和鄰豈得稱族而行尊君之命四年授柱國大將軍昭陽曰功高見用項梁曰名將當官已今方之彼有慙德天和三年授都督陝虞等八州甘防諸軍事陝州刺史屈產垂棘既有滅虢之兵王官羈馬非無絕秦之路公曰正正鼓旗閑閑車軌服叛威邊算無遺策但已中外久勞積斯災疾山川則竝走羣望賓客則諸侯在門是日請謁承明言歸湯沐方詢夏郊之祀或辯桑林之祟更除秦州刺史仍襲父爵幽國公分流之嶺未登晚塞之城空望太夫人曰公羸瘠悲泣相守留氣交衝奄捐館舍公頓伏苦寢水漿不入雖王人勸奪瘡鉅愈增母死于子子死于親慈孝之道一朝總集大漸之辰春秋二十有九四關罷市三軍行哭言尋聽訟猶見寒棠遺顧空營唯餘衰柳諡贈某官禮也六年六月歸葬于秦州之某原立甲啟路追軫驃騎之功龍旂贈行深悼東平之遠公亮直惟忠溫恭惟孝居之仁義飾已禮

樂風神機警聰獻精明有仞于宮牆無形于喜愠金版玉策之記
枕籍忘疲蘭葉芝花之圖膏映必舉碣石秋雲昭陽落月思風含
臆言泉流吻翩翩書記則阮瑀陳琳荏荏風流則王濛謝朓語其
百發弓絕于猿吟論其百中劔深于雁陣枚乘之望梁苑不憚棄
官樂毅之求燕路無辭千里至如應變將略雷電立成帷帳謀猷
孫吳闇合有品藻人倫之志有清平天下之心鵬路忽摧龍津遂
壅嗚呼哀哉太宰早茂三荆長辭萬始撫養遺孤連枝同氣馬援
之戒兄子義存謹飭王沈之事世叔情深愛敬同德比義此之謂
平乃爲銘曰

御乾從紀乘離作聖白環讓德玄珪受命平一地紐增輝天鏡傍
蔭數國前臨七政地屬先登時逢下武玉璜撥亂金滕光輔邗晉
承豕邢茅胙土波分建木派流玄滬景命寅序徽猷淵塞忠有令
圖琴爲全德山節莅政桓珪守國瀚海將臨燕山行勒平樂高宴

大六百二十九

金華說經論儒壁水觀禮明庭相風待賦承露須銘乘舟向月策
馬隨星德舉克明能賢允淑上將授賑元戎推轂趙失東漁胡亡
南牧箭下遼城泥封函谷袞衣頓露丹旌亟卷約法情推繁辭理
遣盜烏懸察疑蛇立辯人共官園家同野蔭籥雲推景轉風落仞
星裂中台山傾左鎮夏楹舍爵殷階啟殯繆幕躡行明旂庭引秦
川直望隴水分飛山河滿目容衛靈歸陵圖石馬車畫袞衣小山
搖落長林變衰悽愴原隰荒涼宅兆樹密人稀山多路小十里松
城千年華表夜臺方寂窮泉無曉

文苑英華九
百四十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後周文卷十七終

大二百三十九

全後周文卷十八

烏程嚴可均校輯

庾信 十一

周譙國公夫人步陸孤氏墓誌銘

夫人諱字本姓陸吳郡人也天子拓境百越來庭丞相勒兵三江
席卷高祖載為劉義真長史雷鎮關中既沒赫連因即仕魏臨終
誠其子孫曰樂操土風不忘本也言念爾祖無違此心祖政驃騎
大將軍儀同三司恆州刺史父通柱國大將軍大司馬文安公匡
贊經綸參謀揖讓名高廣武功重長平夫人七德含章四星連曜
敬愛天情言容禮典九日登高作銘秋菊三元告始或誦春椒年
十有四娉于譙國友其琴瑟愈恭節儉之心伐其條枚實秉憂勤
之德鄴地登高之錦自濯江波平陽採桑之津躬勞蠶月天和元
年冊拜譙國夫人東武亭之妻既稱有秩南城侯之婦還聞受封

柱國殿下召名華分照增城峻土揚旌熨道問政印都白狼之溪
途艱黃牛之版荔枝之山地險葡萄之國夫人別離親戚關河重
阻夷歌一曲未足消憂猿鳴三聲沾衣無已是日天厲之疾遂成
沈痼玉瀝難開金膏實遠建德元年七月九日薨于成都私第春
秋二十有一卽日其年十一月二十二日歸葬長安之北原詔贈
譙國夫人禮也殿下傷神秋月掩淚長松周季直之畱書更深冥
漠潘安仁之詞藻徒增哀怨豈直西河女子獨見銀臺東海婦人
先逢金闕銘曰

芟陵反旆椒山止戈金精據嶺昌閣凌波西遊卿相東裂山河華
亭冠冕穀水絃歌震維徙族燕垂從宦塞入飛狐關連鳴雁策預
登阜功參臨澗寶鼎畱銘彫戈餘贊應圖淑令秉禮言歸魚軒馮
軾澤雉文衣明月照鏡仙石支機行雲細起迴雪輕飛北降帝子
南麾蜀守若水旣開靈山已鏤月峽猿啼江神牛鬪星機北轉日

大五百六十九

轡西迴陽泉伏氣陰律沈灰鶴辭吳市鳳去秦臺神光離合燈影
徘徊雙流反葬百兩迴旌少女離位夫人去城帷堂野設帳殿郊
營山川奇事風月無情搖落巨隴荒涼封域樹樹秋聲山山寒色
草短逾平松長轉直節墳方固園陵永植

文苑英華九
百六十三

周趙國公夫人紇豆陵氏墓誌銘

夫人諱含生本姓竇扶風平陵人魏其朝議列侯則莫能抗禮安
豐奉圖功臣則咸推上席外戚列傳旣聞建武之書仲山古鼎或
表單于之獻祖略少保健昌郡公父熾柱國大將軍大宗伯鄧國
公孟津大誓常預同德之臣咸陽違約克贊先登之主竝得位入
六府功參八柄夫人有文在手有象應圖榮曜夙彰徽華早茂肅
恭曰禮受教于公宮言容曰德有聞于師氏及乎進賢君子內主
邯鄲琴瑟在堂輜軒是服長久于節不無秋菊之銘履端于始或
有椒花之頌豈止莊姬掩淚楚相知慙定姜問兆齊兵不入武成

二年冊拜趙國公夫人漢王聞立義之婦邑已延鄉齊侯見有禮之妻封之石窳異代同榮差無慙德柱國殿下居若木之一枝在天潢之別派揚旌玉壘驅傳銅陵南通向日之民東被無龍之國夫人從政月峽贊德雲門錦濯江波還臨織室山明石鏡卽對粧樓既而玉律頻移金爐不變胡香四兩嗟西域之使稀靈草一枝恨瓊田之路絕天和五年四月二十二日薨于成都之錦城春秋二十孫子荆之傷逝怨起秋風潘安仁之悼亡悲深長簞况復仙臺永別無復簫聲傅母長歸唯畱琴曲七年二月日歸葬于長安之洪瀆原詔贈趙國夫人禮也雲雨去來既畱連于楚后光陰離合實惆悵于陳王銘曰

河西斗絕觀津孤起章武賢臣安豐貴仕木樓千仞金山萬里紹慶邢姨基昌宋子施衿趙北侍姆秦南紘縱禮數厭狄駢驂義超江汜仁流葛覃玉筐迎鸞金籠助蠶敬愛純深端莊淑問有光國

大六百二十一

史無形喜愠舉案外恭停機下訓馨馥于蘭年華于薜風雨消散神靈離絕婺女還星姮娥歸月左楹夕奠高堂朝發空揚凌波更無迴雪下平日隰高平日原西臨冰井北望塞門猶垂雉服尙駕魚軒平原忽矣天道何言山迴地市路沒滕城松悲鶴去草亂螢生新雲別起舊月孤明賢墳永式節隴常貞

文苑英華九百六十三

周安昌公夫人鄭氏墓誌銘

夫人諱某滎陽武人也周宣王之母弟俾侯于鄭鄭莊公之重世卿士于周已國為族自茲而始祖瓊太常恭侯父穆司空貞公西京賦詩奉常參柏梁之宴東都言讖司空為武衛之官籍連帝譜既同盤石門稱同德無廢儒林夫人禮義閨門端莊令淑采采芣苢萋萋葛覃及乎作配君子言事舅姑下氣怡聲承巾奉帚親戚惟禮閨闈已睦保定二年冊拜滎陽郡君序戚升榮從夫有秩豈惟立義之婦邑已延鄉有禮之妻封之石窳大將軍沈犀二江

夫人聞猿三峽明月靈關之阻秋風蜀道之難掩呂瑤華先從春
露天和十八年五月二十日薨于成都春秋三十有六詔贈安昌
國夫人禮也卽已其年十二月十六日歸葬于咸陽之白起原遂
使山迴反壤先封節婦之陵日入虞淵實掩賢姬之墓嗚呼哀哉
乃爲銘曰

天河開國分畿置政地有十城人居九命疇昔之邑今茲成姓識
履傳風參與畱慶三星在戶百兩言歸虔恭內政榮耀中闈承姑
奉盥訓子停機桑園蠶績綿室鸞飛珩璜節步藻火文衣巴水幽
咽猿鳴斷絕月落珠傷春枯桂折趙瑟長辭秦簫永別貞姬掩隧
節女封墳洛濱無月荆臺失雲鳥悲傷聽松聲愴聞千年遂古百

代餘芬

文苑英華九
百六十三

周大將軍隴東郡公侯莫陳君夫人竇氏墓誌銘

夫人諱某扶風平陵人也章武開國名高外戚之右安豐入朝位

大五百八十八

在功臣之上祖曰孝昌之始主諾淮陽父曰正光之初褰帷海岱
夫人生于禮義之門宗于箴誡之德虔恭惟禮令淑惟儀及乎百
兩言歸三星在戶箴盥始事條枚是則有子從政猶無逸豫之心
有夫出征自識山陵之兆太統十六年冊授永安郡君婦曰夫尊
親由子貴朝章家慶兼而有之保定二年改授隴國夫人車服禮
數袿禕典則有美河魴足光彤史旣而風霜所及灰琯遂侵與善
何言至于大漸天和六年四月七日薨春秋六十有六卽已其年
十月十日遷葬于咸陽萬年縣之杜原山形起伏旣符白鶴之祥
地勢風煙乃合青鳥之氣銘曰

觀津世族平陵豪姓四侯登仕三君從政白狼建功丹蛇襲慶漢
之廣矣先聞淑令君子朝端賢才家政贊珥曰禮軒車曰命讓果
成廉推珠止競百年超忽千金莫恃室謝賢夫庭辭貴子歸鞶輟
露采繁廢祀室委眠蠶衣畱畫雉雲垂下澤日淹高春空帷舊館

虛幕新封山迴廣柳路沒深松遊魂幾變大人何從文苑英華九百六十三

周冠軍公夫人烏石蘭氏墓誌銘

夫人諱某樂陵人也晉司徒樂陵公苞後子孫就封因即家焉扶風舊城猶存鐵市河南故墅尚餘金谷或寓燕陲仍仕代郡祖行代郡尹父魏司空蘭陵郡司空佐命魏朝少傅丞疑周室竝為大族俱蒙賜姓秦晉匹也是曰通家夫人年十七歸于宇文氏淑令端莊含章貞吉箴盟惟儀閨闈已正某年除金鄉郡君某年改授冠軍夫人四德小君宜其家室三事內主翻辭贊務已保定五年四月邁疾薨時年四十有四即已其年某月日歸葬于京兆之某原人世風煙山川超忽陵陂青麥儻逢貞女之墳隴首白楊或表賢姬之墓乃為銘曰

三星麗天五岳鎮地禮有其秩人居其位燕趙多奇山川雄氣挺茲令淑惟此含章玉生庭照蘭開室香邢姨襲服宋子河魴百兩

大六百一十三

言歸九儀從聘禴狄七彩軒車六命鼎室辭親槐庭贊政世為閨水人成大夢迴帳山門移燈泉洞金棗長含銀蠶永送香填柏榔路閉松城悲鸞獨影雄劍孤鳴雷連趙瑟悽愴秦笙文苑英華九百六十三

周太傅鄭國公夫人鄭氏墓誌銘

夫人諱某滎陽開封縣遠里人也七子賦詩足光賓客三卿從政實靜諸侯驂乘則晉后停輿來朝則漢君識履華胄蟬聯無虛史籍祖邠秦州別駕父茂伯撫軍將軍涼州刺史伯陽縣侯夫人令淑早聞芝蘭獨茂既容既德言告言歸悌實溫清恭惟箴盟太傅弼諧周室股肱攸寄夫人輔佐君子勤勞是司琴瑟既友條枚無伐故得用之邦國成之孝敬某年月日封鄭國夫人禴狄既加紘縵是務夫人有安世之貴躬服浣濯子有文伯之尊無忘機杼表裏惟安閨闈且正醫門有疾藥對無徵天和三年三月二十日薨葬于長安之石安原世子某兄弟竝勛慈訓咸遵母儀霜露深悲

寒泉增慟銘曰

居德圃田當官教府置騎賓來開黌學聚福履家室賢才踵武棠
棣之華螽斯之羽人倫七德風化二南采采芣苢萋萋葛覃節行
聲玉副笄珈簪桺園秉杼桑津浴蠶春秋超忽零落無時家亡淑
女國喪賢姬香墳永送舞鶴長辭山深月闇風急松悲千年開閉
將驗靈龜文苑英華九百六十三

後魏驃騎將軍荊州刺史賀拔夫人元氏墓誌銘

在河之洲聞君子之配德言采其蕨見夫人之有禮用之風化人
倫厚焉夫人諱安字大羅河南洛陽人也祖某京兆康王父昭驃
騎大將軍開府儀同三司錄尚書司州牧汝陽郡王附萼雄圖階
基霸迹公卿之室將相維家夫人能脩法度無思犯禮恭儉節用
憂在進賢大統五年封樂安公主歸于賀拔氏時年十三思事憂
勤化成婦德彤管載暉棠棣早茂及乎謳歌有歸禴狄降等輔佐

大五百九十六
小二十一

君子猶安其室周天和元年乃封章武郡君霜露不居風煙飄忽
邁疾累旬奄捐館舍已周天和四年二月二十六日薨于長安萬
年里春秋五十有二詔贈頓丘國夫人禮也即己其年三月二十
日歸葬于咸陽之石安原既異乘鸞翩然永去雖非舞鶴即掩泉
門欲誌佳城乃為銘曰

逝矣雄謀悠哉霸轍九服潛運三川中竭卿相連鑣賢才舞絕琬
珍令淑施衿結禱方之棠棣譬已螽斯既全婦德還稱母儀逝水
滔滔危途冉冉問藥無對蒸丹不驗狄服空陳絃機虛掩郭門路
轉哀挽途窮隴深結霧松高聚風春蘭秋菊唯始唯終文苑英華九百六十三

周大都督陽林伯長孫瑕夫人羅氏墓誌銘

夫人諱某恆州代郡太平縣人祖某父協周大將軍南陽郡公夫
人資于事親躬奉訓誡教于宗室足聞詩禮及乎言歸肅恭如事

蘋藻維敬紘紼是勤內位克諧中閨已睦年齡不競霜露先侵更
無延壽之杯遂闕長生之枕呂周天和四年二月八日薨于長安
之洪固鄉時年二十有三其年某月日葬于萬年縣之壽里山非
宋國翻爲節女之陵地異荆臺遂有賢妃之墓銘曰

畢狼建國靈武開都地接天柱山臨寶符人資義烈世襲雄圖葛
覃維萋棠棣早盛旣安淑德後從配命四教弘宣三星克正霜凋
桂苑風落芝田三從闕性五福傷年歸安永絕言告長捐悽切郊
野紆迴隰原風慘雲愁松悲露泣朗月空嗟傷神何及文苑英華
九百六十

周儀同松滋公拓跋兢夫人尉遲氏墓誌銘

夫人諱某河南洛陽人也祖某父太師柱國公魏室喪亂經綸夷
阻周朝建國匡翊揖讓圖謀帝系卽有內外之親分裂山河仍爲
舅甥之國夫人容範端莊儀形淑令六義觀德南風有夫人之詩

大五百六十四
小二十

八卦成形東方有少女之位外傳習言公宮教業箴盟線纘佩悅
蒞蘭年十有二出適儀同拓跋兢衣其翟服旣得宗婦之儀乘其
魚軒還從列國之禮標梅三實無闕其時夭桃九華能脩其政某
年某月冊拜迴洛縣君母金明公主魏文帝長女春則帝女採桑
秋則王姬築館夫人出入主家遨遊戚里濯龍園苑長門宮殿旣
而膏腴美疢華茂傷年沈痼牀帳蒸離寒暑三世之術無乏于醫
門百草之本途窮于藥性建德三年五月七日亡春秋三十昔西
河女子值九節之菖蒲東海婦人得三山之芝草無由再遇悲矣
如何卽已其年十一月十五日葬于京兆之北陵原龜筮告辰上
陵啟奠西臨織女之廟南望湘妃之墳嗚呼哀哉乃爲銘曰
父曰帝師母曰玉姬車服不繫江漢無思是生令淑觀禮敦詩聲
超宋子德茂邢姨繼世盛德思賢克舉奠雁迎門濡蘋實俎奉盥
如事移茵卽序春水浴蠶秋機秉杼帝鄉近親帝城近臣濯龍親

威平陽主人金波迴月玉樹臨春弄玉鳳凰昌容紫草自此千年
無人得道舜華榮耀飄零何早渭水北原平陵故園纔通谷口卽
望寒門吁嗟此地去矣歸魂孟冬十月長松九年親賓掩淚悽愴
何言

文苑英華九
百六十三

周驃騎大將軍開府儀同三司冠軍伯柴烈李夫人墓誌銘

夫人諱某隴西狄道人也周有柱史夫子昌之猶龍漢有將軍宛
城昌之輸馬復有西人上書仍爲秦國之相東向問計卽是韓王
之師父宜使持節大將軍南北二華州刺史順陽郡公魏武皇帝
之長舅也穰侯魏冉居咸陽之宮曲陽王根借明光之殿語其貴
戚差足擬倫論其退讓彼多慚德夫人幼而聰敏早聞令淑彤管
有美賢才見稱弄其紙筆懼失諸兄之意翦其齠齡畏傷王母之
心年十有一出適驃騎大將軍開府儀同柴烈烈曰上將頒朔中
台受任軍國忠勤規模繁總夫人輔佐君子言容匡贊增曜三星

大六百三十一
小十一

欽明四德授巾沃盥有謹于事姑斷織停機無忘于訓子保定二
年冊授大夏縣君既曰夫尊又云子貴乃遷順陽改郡君夫人之
邑或用鄉名小君之號多從夫秩典冊光臨足稱榮寵本有風氣
之疾頻年增動略多枕臥飛輶之散遣疾無徵畫龍之符畱年不
驗曰今建德四年三月日薨于館舍春秋四十九卽己其年八月
日葬于長安之洪瀆原神光離合尙在河溜雲氣徘徊猶歸樓下
嗚呼哀哉乃爲銘曰



上書秦相立功漢將隴水分流秦川遙望秋陸俗勇金行地壯廣
武軍中安平河上妻者齊也謂嫁曰歸三星夜照百兩朝飛禴狄
有典容禮無違台庭等秩俟服同衣子奉母儀夫聞家政七族承
和九閨連慶紛輓恭肅溫清孝敬杼秉秋成蠶隨春令年華不落
電影先過徒餐日氣空飲天河星凋玉井月揜金波虞淵落日薤
露哀歌寂寞虛奠荒涼象設幽隴龜封重泉蟻結秋色悽愴松聲



斷絕百年何幾歸于此別文苑英華九百六十三

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後周文卷十八終

大三百六十九
小十一





全德同十卷十八

新地百午何...

